

T

Prim
Evan
blig

Ex A
PP.P
C

in g
ad

I

Typi

R

TRACTATUS D I P L E X

Primus: Status Religiosi notionem, ejusq;
Evangelicam perfectionem. Alter: de o-
bligatione Regulæ, & Constitutionum
Regularium

DISSERENS.

Ex Asceticis, verè aureis operibus RR.
PP. PETRI DIERKENS, & DANIELIS
CONCINA S. Ords Prædicatorum
Theologorum

EXCERPTUS.

in gratiam novellæ Religiosæ Juventutis
ad proficiendum in spiritu eidem pro
speculo

PROPOSITUS.

*Typis Clari Montis Częstochoviensis diebus
July Anno Domini 1765.*

REIMPRESSUS.

Porro:

Polonæ Thebais illustri Ascetæ,
Mensæ Nazarææ Alumno,
Aulæ Mariano Regis alis Cæleiti
Tullio, voce populi

Beato!

S T A N I S L A O
O P O R O V I O

Cum Publica Disputatione ex Tractatibus
de Jncarnatione & Sacramentis

Praesidente R. P. SEBASTIANO WI-
CHLINSKI Ordinis S. PAULI Proto-
Eremitæ AA. LL. & Phliæ Doctore, SS.
Theologia Professore actuali.

Satisfacente obiectis:

R. F. Theophilo Genar eiusdem Insti-
tuti, Prvæ Croatica Professo, 37^{is} Anni The-
ologo in Rupella Diebus Aprilis Anno
Dñi. 1766.

D I C A T U S.

Aug. 7458

DEDICATIO



A sacramentum Incarnationis, famosa Tua Sanctitas pandit, Instituti Proto-Eremitici gloria: Dive STANISLAE OPOROVI! Pandit inquam: cum sub Tuo Patrocinio, utriusq; Tractatus Divina Subtilitas, in sublime Disputationis prodit. Indisputabilis quidem est (ut potè Incarnatæ Sapientiæ æternus in tempore partus) verum cum Tua Gloriosa Athleta, inter mortales vita, genuinum Sacramentum absconditum fuerit, hinc Studium purissimæ Cœlestis Magistri doctrinæ, Universo Clarissimorum Virorum Collegio, hodie communicas speculandum. Dixeram, Vitam Tuam Sacramentum absconditum esse; nec immerito: hac enim floridi palmeti Eremi Paulinæ, homi

Aa

li.

Li umbrâ pressâ, Orbi eminere, ac radi
re nequibat. Interim quis, qualis, quan-
tusve, hic Diuinus Heclor fuerit? Classico
Vestro Auditorio, ex Thebaeis desertis,
vocale resonet Echo. Vix Stanislaum Lu-
cinae jubilans suscepserat sinus, jam Ange-
licâ puritate, fidelem Sacramentorum Mi-
nistrum se futurum, ac genuinam corun-
dem innocentiae coloribus adumbratam
ideam, effigie in semetipso cernebatur.
Originalis quidem culpa, nescius gusta-
verat toxicum, ast quam primùm Bapti-
finales ex Dispensatorio Cœlesti effica-
cissimas sumpsiisset guttas, ubi semel infe-
lix ejecerat virus, ignoravit deinceps
mortalitatis vindicias. Balneum adhibuit
Probaticæ piscinæ, ut Pœnitentiali purifi-
catus lavacîo, dealbatus Eremitico &
Angelico catui apparuisset candidatus.
Fontem lacrymarum aperuit, ne in deser-
to Ascetico, Cœlestium illustrationum
lymphâ caruisset. Et felici omine: Con-
firmatur etenim gratiâ superni Numinis,
ut Sacro Altari duplicatus adstaret Mini-
ster, reficiens, & reficiendus; novusq; alter

Mel-

Melchisedech, in oblatione Panis & ^{Fili} celebraretur. Multiplici jam radiantem splendore probitatis, *Unxit* Spiritus Domini, ut mortem quām per *Sacra menta mortuorum* semel extinxerat, novamq; vitam per *vivo, um* hauserat, eandem *Connubiali* quasi *vinculo* indissolubiliter in se sociaret, ut sic omnium activē, & passivē fidelis dispensator probaretur. En ecce! Do-
Etissima Theologorum Universitas, initi-
ans primō Augustissimi operis Divini Al-
lumnus, genus suæ perfectionis asserit,
dùm perbellè elucidat ad susceptionem
Mysteriorum Cœlestium, vitâ suâ mysti-
cum Sacramentum in animæ suæ subje-
cto, velut præstantissimum Ectypon co-
piasse. Verūm:

Porrigit & aliud nobis Sacramentum, *In- carnationis* videlicet: dūm ejusdem in Alma Universitate Cracoviensi, celebrem se exhibuerit Professorem, unde velut ex floridissimo Vireto, gloriosam reportavit lauream, eādem Paulinam Palmam coro-
naturus, ut hōc Regali Jagellonico dia-
demmate superbā, fortiusque pressi,

in suo Stanislao, Militanti, & Triumphant-
ti Ecclesiæ, dulcissimos fructus germina-
ret. Nec spes in herba: alter redivivus
Joannes prædicans Baptismum pænitentia-
tæ. in vastissimis desertis Cœnobiarcho-
Eremiticis, vocalissimus in Exedris Eccle-
siastes Oporoviæ. Prius tamèn experimen-
talis Philosophiæ (licet jam laureatus)
disciplinis imbui debuerat, ut eò facilius,
petrosa corda Auditoris emoliri artem ca-
leret, tamq; fortis resistentiæ contra po-
tentiam obedientialem supremo Numinis
debitam, per optimam sciret assignare ra-
tionem. Dogmatisare optimè noverat, hic
Incarnatus Angelus, cum imperceptibiles
profunditates, dogmatibus perfectionis,
ac amoris Divini flammis, illustrare, ac
enucleare clarissimè singulis, quod docue-
rat, studuerit: unde in tantum dogmatum
integritatis conscientiæ, evaserat Docta-
rem, ut cum omne mortificationis, nec
non ampliandi meriti genus, articulum fi-
dei Religiosæ probaverit, a Laurea, ad
immarcescibilem Coronam evocatus. Et
quia à morte ad vitam revocando, (per
tri-

triū resuscitationem) Magistrum immortalitatis, se esse Divinum probaverat, luculentissimè, solus fastis æternitatis Beatæ, meruit adnotari.

Jam ergo gratulabundi Tuo Honori, & felicitati æternæ applaudimus Clientes, ast supplices ingeminamus, ut: Te protegentे, jubilans in sua concordia Patria, pro sua integritate, a Te Angelico Oratore, non verba, sed lilia ante Majestatem Supremi Tonantis suscipiat; Genitrix Coronatorum, Infulatorum, Mitratorum Laureatorumq; virorum Universitas, vendicet sibi a Te redolentiam famæ & gloriæ; Eremus Paulina, ex mirâ meritorum varietate, à prodigijs in Mari, terraq; desumptorum, laudis æviternæ svavem sibi excitet clangorem; soli Rupellanæ Theologicæ facultati, a Tho Nomine honorem desumenti, in Præsuleâ petrâ Martyriō cruce illustri, venerationi Tuæ perpetuæ, gratitudinis tributum indelebiliter restat incidendum. Dixi.

CONCLUSIONES
THEOLOGICÆ.
Speculativo Dogmaticæ.
De
Mysterio Incarnationis & Ecclesiæ
Sacramentis.
Menti Divi THOMÆ Doctoris Angelici
C O N F O R M E S.

1ma. Estò Incarnationis possiblitas rationis naturalis, positiva transcedat principia, eam tamen rationi naturali minimè repugnare negative probamus.
2da. Ac in IESU Nazaræno jam completam ex veteri testamento contra Judæos efficaciter demonstramus. 3ta. Eam porrò simpliciter fuisse necessariam ex suppositione, prætandæ condignæ satisfactiōnis, pro mortali peccato asserimus. 4ta. Præcisō autem Adæ peccato, Christus

vi presentis Decreti, minimè venisset. 5^{ta}. Cujus adventum quoad aliquas tantum circumstantias Patribus antiquis, velut causæ meritoriae, tribuimus. 6^{ta}. Opera verò meritoria, & satisfactoria Christi, utpotè ex se valoris infiniti, simpliciter fuerunt, non modò condigna, ac juxta rigorosæ justitiae leges facta, imò & superabundans in actu primo, solutio pro peccatis totius Mundi. 7^{ta}. Unde his operibus, promeruit sibi Christus gloriam accidentalem, non verò essentialem: cuius meritis & nos, quidquid supernaturale habemus, libenter tribuimus. 8^{ta}: Duplēcē in Christo naturam in unitate personæ, physicè & realiter conjunctam, contra Eutychitem, & Nestorium defendimus. 9^{ta}: Simulq; etiam quamlibet naturam creatam, sive ab una, sive ab omnibus Personis Divinis, simul esse assumptibilem. 10^{ta}: Humanitatem Christi vi sibi unionis hypostaticæ, spectatâ etiam absolutâ Dei potentiatâ, fuisse impeccabilem, tanquam certissimum judicamus. 11^{ta}: Christus non habuit præceptum ri-

gorosum moriendi; & ideò libertatem e-
jus cùm impeccabilitate, optimè concili-
amus. 12ma: Humanitas Christi fuit San-
cta, Sanctitate substantiali, & increata
Verbi, ratione Divinitatis. 13ta: Præter
hanc tamen substantialem, habuit quoq;
accidentalem, nempe: gratiam habitua-
lem. 14ta. Christus à primo instanti suæ
conceptionis, per scientiam beatam, co-
gnovit in verbo omnia, præterita, præ-
sentia, & futura: non tamen omnia possi-
bilia. 15ta. Essentiam *Metaphysicam* Sacra-
mentorum constituimus, in signo rei Sa-
cræ, perfectè sanctificantis homines.
16ta. Essentiam verò *Physicam* Sacramen-
torum novæ Legis, in determinatis à Chri-
sto rebus, & verbis, tanquam materiâ &
formâ collocamus. 17ma. Intentionem
autem generalem faciendi quòd facit Ec-
clesia, ab intrinseca Sacramentorum con-
stitutione excludimus. 18va: Eam tamen
ad minus virtualem, velut conditionem si-
ne quâ non, in Ministro Sacramentorum
requirimus. 19na: Cujus error speculati-
vus, & prava Intentio, dummodo adsint

cæ-

Cætera requisita, non invalidat Sacramen-
tum. 20^{ma}: In suscipientibus autem Sa-
cra menta, si sint rationis compotes, in-
tentionem habitualē sufficere dicimus.
21^{ma}. Omnia Sacra menta novæ Le-
gis sine obice suscep ta, instrumentaliter,
physicè, & quidem in gradu dispositioni
suscipientis proportionato, causant grati-
am ex opere operato. 22^{da}. Quod si quod-
cunq; ex illis cùm fictione, validè suscep-
ptum fuerit, hâc recedente, effectum gra-
tiæ producet. 23^{tia}: Secundus Sacra men-
torum novæ Legis effectus est, Chara-
cter indelebilis, ad secundam qualitatis
speciem, nempe potentiam reductivè per-
tinens: cui pro subiecto immediato, in-
tellectum practicum assignamus. 24^{ta}:
Sacramentum Eucharistiæ, essentialiter
consistit in speciebus Sacramentalibus, &
formâ Consecrationis, ut connotantibus
in obliquo, veram & realem præsentiam
Corporis, & Sanguinis Christi. 25^{ta}:
Aqua vino mixta, nisi prius vini naturam
induerit, non convertitur in Sangvinem
Christi. 26^{ta}: In consecratione calicis ad

cf.

essentiam formæ, probabilius pertinent
tantum illa verba: *Hic est Calix Sanguinis
mei*, reliqua vero, solum ad integratatem
eius. 27ma: Actio transsubstantiativa,
quæ Christus ponitur sub speciebus, est
vera productio ipsius, quoad modum e-
xistendi Sacramentaliter. 28va: Aequalis
Gratiam participat Laicus, sub una spe-
cie, & Sacerdos sub utraq. communicans,
Si uterq; sit æqualiter dispositus. 29na:
Incruentum Missæ Sacrificium, quod es-
sentialiter in sola Consecratione consistit,
in actu primo, est valoris simpliciter infi-
nitæ. 30ma: Eo tempore Christus Sacra-
mentum Baptismi instituit, quō in Jordane
à Præcursori suo baptisatus est. Et hæc:

Ad

Majorem DEI Gloriam.

Approbationes.

FACULTAS

R. A. P. PROVINCIALIS.

PERMITTO, ut imprimatur hic Brevis Tra-
ctatus de obligatione Regulæ & Con-
stitutionum in Religiosis Ordinibus, sup-
positis supponendis. Datum Tornaci 4.
Maji, 1667.

Fr. BONAVENTURA de MARIVOORDE,
Provincialis per infcriorem Germani-
am Ordinis Prædicatorum.

FACULTAS REIMPRIMENDI

Censoris Diœcesani.

PRÆSENS libellus jam Anno 1667. II. Ju-
lij approbatus, & Anno 1731. Coloniae
impressus, ut iterum reimprimi possit, do-
facultatem.

M. CASIMIRUS STĘPŁOWSKI S. T.
Doctor & Professor, Librorum per Diœ-
cesim Cracoviensem Censor Die 17.
Aprilis 1765.

A

Qui

Qui spernit modica, paulatim decidet. Eccl. 19.


*Q*ubi statuta non observantur, talis Religio est sicut pomarium undequaque apertum, quod frumentos suos, non proprietariis, sed viatoribus frumentificat & reddit. S. Fr. de Sales. 1. 2. epi. 1.

S. Antoninus loquens de quibusdā Religionibus deformatis, ita ait: *Præfatæ Religiones, quæ cum magno fervore & vita sanctimonia initium habuerunt, minima negligentes traditionum paternarum, in processu temporis paulatim defluxerunt, & exinanitæ sunt usque ad fundatum in eis. 2. part hist. cap. 15 §. 2.*

Si parvi pendas Constitutiones & ordinaciones sacrae Religionis, quantumvis parva sint, Monachus non es. Blof. in spec. Monach.

Sic minora, imo minima servemus cum nobis possibili, sicut majora & maxima; dicit enim Scriptura: Qui negligit modica, paulatim decidet. Diony. Carth ser. 6. de Dom. 3.

Qui parva sine scrupulo conscientie admittunt, insensibiles effecti se sanos existimant, mala sua plangere, & vitam corrigere ignorant - - - - & quamvis parva vulnera videantur, quia tamen nec carent, ne ea suscipiant, nec postquam susciperint, debitā curā adhibent, omnino mortifera redduntur. Dac. Abb. in 5. T. Bibl. Patrum.



RELIGIOSO LECTORI.



Cum juxta Doctrinam Angelici Doctoris, & communem Religiosa professio obliget profitem, non quidem ut defacto sit perfectus, sed ut semper tendat ad perfectionem charitatis & aliarum virtutum. & quia nonnihil obscurum videtur, in quo consistat ista tendentia, & quomodo, & quantum obliget, hinc varii Religiosi anguntur, quid facere debeant, ut huic obligationi satisfaciant. Declaro in hoc Tractatulo hanc tendentiam consistere in perfecta observantia Votorum, Regulae & Constitutionum. Quantum vero obligent vota, omitto hic tractare, quia de hoc egi sufficienter Tract. i. Exercitior. spirit. cap. 8. de obligatione vero Regulae & Constitutionum ibidem tractavi, sed breviter. Verum cum illa res sit magis obscura, & multum ab ei dependeat bonum Religionis, requirit ampliorem declarationem, quam expono per hunc Tractatulum, idque in Regula & Constitutionibus Ordinis PP. Prædicatorum, que

obligant ad solam pœnam & ad nullam culpam nisi propter præceptum vel contemptum: in quibus casibus à fortiori obligantur illi Religiosi, quorum Regula & Constitutiones obligant sub peccato. Cùm verò laxiores aliqui Religiosi intelligant Regulam & Statuta sui Ordinis non obligare ad aliquam culpam, vel in aliis Ordinibus ad solam culpam venialem, arbitrantur esse negotium parvi momenti libertè & frequenter illa transgredi, quod tamen valde magnum est, periculosem, & ruina Religionum, prout in sequentibus fusè demonstro; sperans fore ut per hoc confirmetur boni Religiosi in cuncta observantia, laxiores verò intelligentes grande periculum suæ salutis tempestivè resplicant.

Cùm verò materia hujus Tractatus sit magni momenti, & ab illa maximè dependeat bonum Religionis. & concernat & qualiter omnes Religiosos Ordines, eam typis committere noli, nisi priùs illam submississim accurato examini doctissimorum Virorum & S. T. Professorum in Universitate Lovaniensi & singulis Ordinibus, quorum censuram his adjunxi. Opto, ut DEUS det incrementum, & abundè fructificet!

TRA

F
lig
fua
ne
re:
pta



TRACTATUS BREVIS

De Obligatione Regulæ &
Constitutionum in Religiosis
Ordinibus.

CAPUT I.

*De Paradiso terrestri præfigurante Eccle-
siam Novi Testamenti, eius pulchritu-
dine & defectu.*

PLANTAVIT DEUS Paradisum voluptatis à
principio, produxitque de humo omne
lignum pulchrum visu, & ad vescendum
suave, & ornavit illum omni pulchritudi-
ne, quæ ad oblationem posset deservi-
re: & fluvius egrediebatur de loco volu-
ptatis ad irrigandum Paradisum, qui inde

2 De Obligatione Regula Vc.

dividitur in quatuor Capita, Geon, Phison, Tygrim, & Euphratem. Et posuit in eo hominem, quem formaverat, rectum, & perfectum in anima & corpore, ornatum omni scientia, gratia & virtutibus, exterminabilem & immortalem, ut DEUM Conditorem suum ex toto corde, & super omnia diligeret. Et in recognitionem tantorum beneficiorum imposuit illi hoc unicum praeceptum: *Ex omni ligno Paradisi comedere, de ligno autem scientia boni & malii ne comedas, in quocumque enim die comederis ex eo, morte morieris.* Sed invidia diaboli, qui homicida fuit ab initio, mors intravit in Orbem: nam homo, qui obedendo DEO poterat esse immortalis & beatus, suggestione diaboli per inobedientiam recessit a DEO Creatore suo, audivit serpentem benefice incantantem, perdidit DEUM, perdidit se, perdidit Paradisum, immortalitatem, & totam posteritatem innumeris subjicit miseriis. Hæc in lege naturæ, in qua omnia erant magis corporalia & figuralia.

§.

in Religiosis Ordinibus

§. Primus.

De Ecclesia Novi Testamenti, sancta & spiri-
tuali, & Religioso statu in ea inchoato,
à Christo Domino & Apostolis.

2. AT in Nova Lege, spirituali, & veri-
tatis, plantavit quoque DEUS Paradi-
sum voluptatis, sed longè perfectiorem, &
pulchriorem, Ecclesiam scilicet Novi Te-
stamenti, totam in spiritu & sanctitate. In
ea posuit Unigenitum suum, novum Adamum,
ut esset caput & exemplar membrorum,
& per sanctissimam vitam & obedi-
entiam usque ad mortem reduceret Adami
Posteros ad DEUM, à quo per inobedien-
tiā recesserant. Insuper plantavit in illo
Paradiso vineam electam, Angelicum scili-
cet statum Religionis, selectam illam Ec-
clesiæ partem, florem, & pretiosissimum
lapidem inter Ecclesiæ ornamenta, hortum
illum fortissimè conclusum, Paradisum de-
liciarum, sanctitatis domum, scholam vir-
tutum, bellatorum stationem, Cœlum ter-
renum, cuius umbra cooperuit montes,

4 De Obligatione Regulae Ec.

cujus propagines extensæ à mari usque ad mare, & Christus in medio ejus est fons irrigans radices ejus, & eam fœcundissimam reddens. Ipse primus vitæ Religiosæ fundamenta posuit in Palæstina, & ibidem vixit in suprema obedientia, factus Patri obediens usque ad mortem Crucis: Quod præceptum ingrediens mundum lubens à Patre acceptavit, in virginea castitate, in summa & tanta paupertate, ut non haberet, ubi caput suum reclinaret. Cujus ad exemplum Apostoli suum Magistrum imitati sunt. Similiter varii illorum discipuli.

§. 2.

Quomodo floruerit, ad diversas mundi partes extensus fuerit, & de flore & fructu quatuor Ordinum Mendicantium.

3. **E**xinde eam translulit in Ægyptum: ubi primos Monastices Magistros posuit Antonios, Hilariones & plures hujusmodi sanctitatis Heroes. Sub quorum disciplina quandoque tria, quandoque quatuor millia uni Patri subfuerunt, & Religiosissi-

osissimè vixerunt; homines ex diversis generibus & regionibus nati, ad tantam identitatis sinceritatem coaptati sunt, ut una anima in multis corporibus conspiceretur. Qui infirmus erat corpore, multos habebat affectu ægrotantes. Qui animâ ægrotabat, multos habebat sanantes. Lites & contentiones aberant. Communis charitas omnia communia faciebat, victum, vestitum, labores, orationes & coronas. Hujus vineæ Ducem posuit *Augustinum* in meridie; in Occidente *Benedictum*; in Oriente *Basilium*; in Aquilone alios. Hi omnes in tanta sanctitate vixerunt, ut in Ordine S. P. Augustini recenseantur homines Sanctitate clari sexdecim millia & ducenti. Sub Regula S. Benedicti referantur canonizati quadraginta quatuor millia, & viginti duo. Quorum quinque millia, quingenti, & quinquaginta quinque vixerunt in uno Cassinensi Monasterio, & ibidem sepulti sunt. In Cisterciensi, Præmonstratensi, & Carthusiensis, quasi innumeri in maxima sanctitate floruerunt. Imò tunc passim omnes Sancti.

6 *De Obligatione Regulæ Sc.*

4. Tandem divisus est fons ille Paradisi
in quatuor capita, sive flumina, quæ egre-
diebantur de Paradiso ad irrigandam uni-
versam terram. Hi sunt quatuor Ordines
Mendicantium, qui in spiritu Apostolorum
incipientes, progressi sunt per universum
Orbem, promulgârunt Evangelium Chri-
sti, per mare, per terram, per ignem &
gladios, dantes animas suas, ut perditas o-
ves adducerent ad ovile Christi, & innu-
meras animas doctrinâ sanâ, exemplari vi-
tâ, signis & miraculis extraxerunt è diabo-
lica captivitate, & lucrati sunt Christo.
Tantus erat zelus erga salutem animarum,
ut in quodam numerosissimo Generali Ca-
pitulo Ordinis *S. Dominici*, in quo, nomine
Summi Pontificis petebatur, si essent aliqui
parati ad prædicandum Evangelium Chri-
sti in terris infidelium? Ad unum omnes
responderunt se paratissimos. Hi omnes vi-
vabant religiosissimè, in magna sanctitate,
in observantia votorum, Regulæ & Consti-
tutionum exæctissimi. In maxima austerita-
te & mortificatione corporis, per jejunia,

fla-

flagella, catenas ferreas, cilicia, &c. Hi sunt viri Apostolici, & qui fortis & variis, qui rhedam Evangelicam deduxerant in universum Orbem. Hæc est florens illa vinea, quæ dedit odorem suavissimum cunctis populis. Hæc sunt ligna plantata in Paradiso producentia fructus honoris & honestatis.

Sanctissimæ Virginis Therese revelatus fuit latissimus campus, quem S.P. Dominicus cum maximo exercitu Sanctorum Filiorum occupabat, qui omnes heroicè decertarant contra Hæreticorum antesignanos, & principes eorum dæmones infernales. Quorum nomina scripta erant in vasto volumine, quod eidem Virginis tradebatur. Non minora referuntur in Chronicis Seraphici Ordinis, ac Montis Carmeli, in quibus floruerunt doctrinâ & sanctitate præstantissimi Viri sine numero.

§. 3.

Invidet diabolus, querit diversa media destruendi banc spiritualem Vineam, & longo tempore non potuit.

5. **A**D talem phalangem ipse diabolus accedere metuebat, vincere desperabat,

se perdere cernebat. Ea propter antiquus
ille serpens, & callidus tentator, qui pri-
mum Paradisum destruxerat, variis modis
tentavit ingredi hortum hunc conclusum,
nec potuit. Quid tandem fecit? Convoca-
vit omnes principes tenebrarum, inivit
consilium cum suis, quā viā id perficere
possent. Unus inter illos cæteris callidior
suggessit, ut viventibus Dominico & Franci-
fco quiescerent à laboribus suis: futurum
post mortem illorum ut multiplicatis cœ-
nobiiis reciperent ad Ordinem nepotes ex
affetu carnali: adolescentes sine zelo per-
fectionis, delicatos & assuetos deliciis: No-
biles, ambientes dignitates: Doctores, ar-
rogantes ob doctrinam: ac tandem pro
conservatione Ordinis cogerentur recipere
quosvis: ac proinde tepesceret tunc zelus,
frigesceret charitas, flaccesceret observan-
tia; & ita facile possent intrare hortum i-
stum, pro tunc nimis fortiter conclusum,
& vineam hanc electam devastare. Placuit
consilium omnibus, expectarunt oportu-
num illud tempus, & immiserunt vulpecu-
las

in Religiosis Ordinibus 9

Ias diversas in vineam istam, ut eam valide demolirentur: incipientes à minimis, nemini paterent ipsorum insidiæ, & sic via disponeretur ad majora. Nam callidus hostis ita decipit, cum nobis persuadet, parva non magni facere, inquit *S. Anselmus*, sciens, ubi parva negliguntur, quod totus Ordo paulatim dissipatur & destruitur, cum sine parvis istis stare non possiat majora, (inquit *D. Hieronymus*.)

§. 4.

Incepit illam cautè destruere à minimis, & successu temporis eam destruxit in diversis mundi partibus, & quibus mediis.

6. Incepitur ergo hujus electæ vineæ de-
vastatio à parvis dispensationibus &
dissimulationibus; sensualitas incepit habe-
re locum; exercitia spiritualia flacessere,
oratio mentalis, meditatio, recollectio quo-
tidiana, examina conscientiæ, reflexio su-
per omnia opera sua, communicatio sui i-
psius apud Superiorem, seu quod apud nos
Capitulum quotidianum, sive de culpis vo-
catur, pro sola forma, & non serio fieri,

A7

vel

vel omitti, hæc & similia ad vitam religiosam traducendam omnino necessaria. Inde ulterius progressum est. Ad quid (inquit) tot Constitutiones, quæ retineri non possunt? Sufficit nobis Regula. Post hæc iterum; Ad quid toties legere Regulā, quam tenemus memoriter? Sufficient nobis vota. Tandem eò devenitur, ut vulpeculæ fiant vulpes, & devastent vineam, usque ad fundatum in ea. Recipiuntur divitiæ, augmentantur census, sunt Monasteria magnifica, portantur pecuniæ &c. Cum his (inquit) stare potest paupertas spiritus. Servi DEI debent benè tractari, nihil ipsis deesse debet, ne cogantur illa querere apud sæculares. Ibi radix incontinentiæ, nā venter plenus est seminarium libidinis. Non in omnibus (inquit) parendum est obedientiæ. Struuntur convivia, invitantur amici, reinvitantur Religiosi, deseritur Officium Divinum, negligitur studium, sit frequens conversatio cum sæcularibus. Finaliter verificatur illud Psalmistæ: Commixti sunt inter gentes, & didicerunt opera eorum

rum, & factum est illis in scandalum, & non ipsis tantum, sed scandalosa ipsorum vita perdidit innumeratas animas in populo Christiano.

§. 5.

Stupenda & deploranda ruina.

7. *Q*uomodo obscuratum est aurum, mutatus est color optimus, dispersi sunt lapides sanctuarii in capite omnium platearum. Denigrata est facies Nazaræorum super carbones, non sunt agniti in plateis. O quantum dittamus ab his, qui in diebus Antonii fuerunt Monachi! Sic Macarius vixit? Sic Basilus docuit? Sic Antonius instituit? Siccine alii fundatores Ordinum filiis suis talia documenta reliquerunt? Væ nobis! (inquit S. Thomas à Villa Nova) quia solum nomen vacuum Religionis, tonsuram & habitum gestamus.

8. Plangite nunc Patres super filios vestros, in quibus sanctus DEI timor aut recessit, aut friget. Filii Sion quondam incliti & amicti auro primo, plangite super vos & super filios vestros, quod nomen San-

cto-

Etorum Parentum inaniter gestatis. Sic vivendo, sic operando procul aberitis à recipienda mercede centupla, & vita æterna, quando post horam undecimam, dum serò factum erit, Pater-familias ad solvendum operariis redierit.

C A P U T II.

*In quo exponitur vera C prima origo
hujus ruinae.*

9. Mirum fortasse alicui videri posset, quomodo eminens ille perfectionis status à sanctissimis viris, DEO inspirante & adjuvante, ita firmiter fundatus, tot pugnaculis munitus, in quo sancta Regula, sanctæ Constitutiones, continuæ exhortationes, per verba & exempla, tot sancta Exercitia, quæ est vera Turris Davidica, ex qua mille clypei pendent, in qua est omnis armatura fortium, contra diabolum, mundum & carnem. Mirum, inquam, videri posset, quomodo fortissima illa turris, tot munita præsidiis, ita deficere potuerit. Verum enim verò si quis bene consideret, quod perfectissimi illi Principes Cœli, tot gra-

gratiæ auxiliis confortati in veritate non
steterunt: non mirabitur, quòd lutea illa &
fragilis creatura inter tot pericula & tot
hostes deficiat. Quòd igitur defecerit, ita
id fecit inimicus homo, qui continuò cir-
cuit, quærens quem devoret. Idque dum
homines dormirent, hoc est, dum Superi-
ores negligentius agerent, & minus vigi-
larent. Vel cùm præcipua Religiosorum
supposita dormitionem acceperant. Quod
in diversis sæculis, ex diversis malis ortum
habuit. Nam ut referunt Chronica Ordi-
nis Prædicatorum, circa annum Dñi 1348.
tam horrenda Pestis desæviit per univer-
sam Europam, ut vix decimum hominem
reliquerit. Tunc præcipui Religiosi zelo
animatorum inflammati, ne infectorum ani-
mæ simul cum corporibus perirent, posu-
erunt animas suas pro animabus proximo-
rum. Et hoc modo præcipuis Suppolitis
morte sublati, reperit dæmon opportuni-
tatem bonam, suffodiendi hanc mysticam
Turrim.

Aliis quoque sæculis arripuit ansam per
bel.

bella & hæreticos, invasit Ecclesiæ, Mo-
nasteria devastavit & concremavit. Sacer-
dotibus, præsertim Religiosis, gravissimas
persecutiones intulit, & immaniter occi-
dit; adeò ut crudelitatem inexplicabilem,
quam præcedenti adhuc sæculo exercue-
runt totam ferè Europam, singulariter ta-
men in Partibus nostris, non tantum co-
gnoverimus ex Historicorum monumentis,
sed Patres nostri, qui hæc viderunt & ex-
perti sunt, narraverunt nobis filiis suis.
Quid igitur mirum, quod diabolus in oc-
casione adeò desiderata ita profundè sus-
foderit Religiosam hanc vineam, destruxer-
it maceriam ejus, ita ut omnibus prætere-
untibus patuerit desolatio ejus!

10. Contra quæ mala hoc nostro sæculo
omnium Religionum Superiores indefessè
laborarunt, ut quæ collapsa erant, restaura-
ta conservarent, & ulterius promoyerent.
Idque cum ingenti proœctu, in tantum, ut
modò in singulis Religiosis communilitati-
bus ubique Religiosè & regulariter viva-
tur, & in illis quamplurimi veri & sancti

Re-

Religiosi inveniantur. Quorum bonæ famæ nihil officit, quod inter illos reperiuntur aliqui difformes, dissoluti & falsi fratres: numquam enim seminatur tam purum triticum, cum quo non metitur lolium: & ab initio non fuerit tam sancta familia, in qua non quis degener & perversus fuerit. Prout *S. Augustinus* ostendit à Cœlo Empyreo, & ab Arca Noe usque ad collegium Apostolorum inclusivè. Per quæ defendit bonam famam domus suæ, contra quosdam obtrectatores, qui ex paucis perversis volebant optimas communitates infamare.

II. Volens igitur sanctis conatibus bonorum Superiorum utrumque cooperari, & diversorum desiderio facere satis, qui dudum desideraverunt, ut ea, quæ in Exercitiis spiritualibus nimis diminutè à me scripta erant, magis ampliare: hunc parvum tractatulum scripsi, ut obligationes Religiosæ Regulæ & Constitutionum magis explicarem. Idque non ex proprio cerebro, sed ex sensu Sanctorum & Majorum

no-

nostrorum, ponendo breviter hinc & inde eorum verba, & brevitatis causâ, sæpius solum sensum. Qui hæc latius legere desiderat, legat Tractatum illum, quem totum conscripsit ex sententiis Sanctorum Patrum doctissimus P. M. Joannes Baptista Lezana, Sacri Ordinis Beatae Virginis MARIAE de Monte Carmelo, cuius exemplaria à pluribus desiderantur. Zanchez in decalogum cap 4. § 5. Peyrinus tom. I. c. 15. per totum. Julius Negronius in Tract. Ascetico de Cura Minorum.

§. I.

Declarantur causæ propinquæ hujus ruine.

12. **U**T igitur diabolicis istis machinatio-nibus efficaciter occurratur, opere pretium erit in primis detegere callidas illas foveas, per quas Satanicæ illæ vulpeculæ ingrediuntur mysticam hanc vineam, ut vastari possint.

Tales foveæ sunt neglectus Orationis & Exercitiorum spiritualium, quæ hic supe-rius retuli, aut tepida eorum executio, ni-

mia

in Religiosis Ordinibus

17

mia extra Monasterium evagatio, nimia familiaritas & inordinata conversatio cum saecularibus, tametsi specioso titulo fieri videatur. Ostendit *Granatenfis*, quod tales subinde lucentur aliorum animas, & suas perdunt. Otiositas & neglectus studii, exemptiones, privilegia, & indiscretæ dispensationes, ambitiones, divisiones per diversas ligas, negligentes Prælati, mala educatio Novitorum; & communissima fo- vea est negligentia & contemptus seu parva æstimatio parvarum Constitutionum & regularum, per quam imperceptibiliter destruuntur florentissima Monasteria: hoc ultimum potissimum in sequentibus declarare intendo.

§. 2.

*Ponitur remedium, quō ruina restau-
ratur.*

13. Quid igitur facto opus, ut his malis alterius occurrat, & eliminentur? Nihil profectò aliud, quam illud ipsum, quod Sapiens præscribit, dum ait: *Capite nobis vulpes parvulas, quæ demoliuntur vi-*

neas

18 De Obligatione Regula & Co-

neas. Capiuntur turc vulpes parvulæ Sa-
tanicæ, quando in Religionibus minima
quæque in Regula & Constitutionibus e-
xactè observantur.

Quapropter ut perniciosæ istæ vulpe-
culæ à religiosa ista vinea excludantur, &
hortus iste fortiter concludatur: necesse
est amplius declarare fallacia fundamenta,
quibus innituntur Religiosi illi transgres-
sores, & illa efficaciter refutare, & falla-
ciam declarare, ne habeant ulterius an-
sam ad excusandas excusationes in pecca-
tis. Nam cùm proditur dolus, cùm fraus
aperitur, cùm convincitur falsitas, rectissi-
mè tunc dicitur vulpes capta, inquit *s.*
Bernardus Serm. 64. in Cant. Allegant ita-
que tales Religiosi, alias boni, in sui excu-
sationem illa, quæ in sequentibus fusiùs de-
clarantur.

C A P U T III

Ponuntur excusationes, quibus se excusant
transgressores in transgressionibus suis,
& refutantur.

14. PRIMÒ igitur allegant, quod Consti-

tu.

tutiones sunt res parvi momenti in ordine
ad perfectionem.

2. Quòd hæc ita faciunt cum licentia &
dispensatione Superiorum; & quòd illum
vivendi mōdum sic invenerint: & quòd
maxima pars communis, & multi Viri
docti sic vixerunt, & etiamnum vivunt: ac
proinde quòd Constitutiones & antiquæ
illæ Leges per contrariam Consuetudi-
nem, & legitimam præscriptionem sint ab-
rogatæ.

3. Dicunt: Illæ Leges etiamsi adhuc o-
bligarent, obligant solum ad Veniale, per
quod non possumus excludi à Cœlo.

4. Dicunt alii: Regula & Constitutio-
nes nostræ non obligant ad culpam ali-
quam, sed ad solam poenam, ac proinde
non minuitur per transgressiones perfectio,
ad quam obligamur.

§. I.

15. Respondeatur ad primam excusationem,
quam prætexunt continui transgres-
sores: quòd in Religione exactè observa-
re Regulam & Constitutiones, etiam mini-

mas

mas, est res magni momenti, continet maximam perfectionem, addit illam votis, & conservat vota.

I. Probatur: Quia diabolus, volens destruere Religiosam observantiam, incipit à minimis, ut supra dictum est: Ergo à contrario, qui vult in se construere observantiam, debet à minimis incipere; quia hoc parat viam ad vota, sicut observantia votorum parat viam ad servanda Præcepta, inquit S. Thomas quodlib. 4. ar. 23. & sine illis difficile est, servare Præcepta.

II. Probatur: Ex verbis SS. Patrum, quos citare ad longum omitto brevitati studens: dicunt etiam, quod Religiosum ad observantiam, etiam minimorum, impellere debet cordialis amor DEI & perfectionis virtutum, ad quae tendere DEO promisit: insuper & ædificatio proximorum, ad quam præ omnibus Christianis peculiari obligatione Religiosi adstringuntur. Præterea quod nihil est parvum, quod DEI causat. Quod DEO placet, & ipsi gratum est. Quod DEUM ipsum meretur in mercem dem

Qui à minimis incipiunt, in maxima prouunt, sive in bono, sive in malo, & Christus ipse B. Magdalena de Pazzi mandavit, dicens: Tanti facias Regulam, statuta & vota tua, quantum volo ut me aestimes. Et de parvis defectibus & peccatis inquit S. Bernardus: Nemo dicat in corde suo: levia sunt ista, non curo corrigere, non est magnum, si in his maneam venialibus minimisque peccatis. Hæc est (inquit) impoenitentia, blasphemia in Spiritum Sanctum irremissibilis.

III. Probatur: Christus dixit Mat. 5. ¶.

17 Quod non venit solvere legem, sed adimplere: adimplevit legem, & maximè perfecit illam superaddendo ei aliqua, quæ parva videbantur. Exempli gratiâ, Legem, Non occides, datam antiquis, perfecit quam maximè, addendo illi: ut ne quidem irascamur; ubi lex de non occidendo cum maxima perfectione superaddita continetur in non irisci. Nam, qui ne quidem irascitur, longissimè abest ab occidione. Similiter qui ita constitutus est, ut ne quidem venialiter ve-

lit offendere DEUM, perfectissimè implet legem charitatis, & longissimè abest à mortali odio. Quam perfectionem accipit ab observantia legis in parvo, ut videatur. Similiter ergo respectu voti castitatis maximum quid addit, qui ne quidem vult oculum figere in muliere, quod habet ex observantia Regulæ. Iterum: Qui nihil vult recipere, quod non statim plenissimè submittit liberæ dispositioni Superiori, perfectissimè implet votum paupertatis. Perfectissimè obediens est, qui Superiori usque ad minutissima promptè obtemperat, & causam quare sic, vel aliter præcipit, non indagat. Has perfectiones accipiunt vota ab observantia parvarum Constitutionum, in quarum observantia continetur votorum observantia, & superaddun majorem perfectionem. Quia Constitutiones ordinantur ad perfectionem votorum inquit S. Thomas infrà citandus.

Insuper: Signum est evidens perfecta dilectionis, quod aliquis ita dispositus est ut nequidem in minutissimo velit esse DE

in.

infidelis, sed promptè & alacriter omnia illi solvit. Cedit hoc quoque plurimum in DEI honorem. Est DEO gratissimum, & rumpit viscera misericordiæ DEI nostri, adeò, ut liberalissimè super tales Religiosos thesauros gratiæ suæ effundat, eos specialissimo auxilio gratiæ præservando ab omni malo, & promovendo admirabiliter in omni bono. *Vide latius de his Alphonsum Rodericum de Perfectione part. I. Tract. I. cap. 9. & sequentibus.*

IV. Probatur: Ex gratiis & beneficiis, quibus à DEO præmiantur, qui sua statuta exactè observârunt. Refert *S. Bernardus* visionem de quodam sancto viro Gerardo, cui ante mortem revelatum fuit à Christo, quod nulli Religiosi sui Ordinis perirent, qui diligenter observarent statuta & Regulas suæ Religionis. Idem revelatum fuit *S. Thomæ*, ut habetur in Vitis Fratrum Ordinis Prædicatorum. Et *S. Mater Teresa* refert diversos Religiosos, qui in perfecta observantia Constitutionum vixerant, sine Purgatorio ascendisse ad Cœlum. Qui ve-

rò referuntur in actis Generalium Capitulorum Ordinis nostri obiisse cum opinione sanctitatis, semper ferè additur, quòd in observantia Constitutionum fuerint exactissimi. Econtrà autem referuntur in diversis historiis gravissimæ punitiones eorum, qui negligentes fuerant in observantiis, etiam parvis, suarum Constitutionum, quas brevitatis causâ omitto. Refert varias Petrus Damianus, & P. Engelgrave, in *Luc. Evangelica*, in Sermone super Evangelium Dominicæ 6. post Epiphaniam. Et in *Vitis Fratrum Ordo Prædicatorum parte 5. cap. 5.*

C A P U T IV.

Secunda Excusatio (Quòd hæc ita faciunt cum licentia &c.) allegata refutatur.

16. Ad secundam Excusationem respondeatur: quòd Superiores acceperint potestatem in ædificationem, non in destructionem, & vera dispensatio requirit causam necessariam, honorem DEI vel majoris boni in proximis, quæ in relaxata vita regulari non reperiuntur. Superiores sine prædictis causis dispensantes sunt du-

ces

ces cæcorum, & subditi utentes tali dispensatione cum ipsis simul in foveam inferni cadunt. De quo subjungo, quæ habet Religiosissimus Pater Joannes Nider, de Reformatione Lib. I. Cap. II. hoc modo:

Sextò sequitur: Quod dispensatio, quæ hodie passim in multis Religionibus sieri videtur, & dissimulationes in continua non tentione silentii in interdictis locis & temporibus: in fractione continui jejunii regularis, in perpeti comeditione carnium: in lineis vestimentis, & culcitrīs penneis seu lectorum usū frequenti: in fuga à choro & cantu Divini Officii: in usu tonsuræ & habitibus prohibitis: in negligentia studii litterarum: imò potissimè in appropriatione pecunie & similiū, quæ in Regula & statutis sunt prohibita, non sunt dispensationes, sed dissipationes; in quibus nec Prælatus potest dispensare, nec subditus talem dispensationem accipere: Apud multos igitur obtinet vulgaris ista definitio: Dispensare est cum licentia infernum intrare. Hæc ille.

Et in detormatis & relaxatis communitatibus, non oportet sequi majorem partem

tem, quia ibi major pars ingreditur amplam & spatiösam viam, quae dicit ad perditionem. Et forma vivendi non à pluribus, sed ab honestioribus sumenda est, inquit *S. Bonaventura*. Tales sunt, qui vivunt regularem vitam in professione promiserunt, quamvis in numerosissima communitate forent solum duo vel tres. Excusatio illa, quod talem vivendi modum ibi invenerint, non indiget responsione, sed emendatione. Et viri docti sic viventes, praeter commune peccatum transgressionis, peccant gravissimo peccato scandali, quod vitam suam non conforment sanctæ doctrinæ coram pusillis.

Neque habet hic locum præscriptio ad abrogandas Constitutiones & Regulam; quia nullo tempore, quamvis longissimo, potest peccatum præscribere contra virtutem, nec malum contra bonum.

§. I.

Refutatur 3. Excusatio.

Quod 3. alii producunt in excusationem suarum transgressionum, nimirum, quod Re-

Regula & Statuta non obligent ad mortale, sed ad solum veniale; ac propterea se per transgressiones non posse excludi à regno Cœlorum: est indigna excusatio pro viro religioso, qui profitetur perfectiōnem, est responsio meri servi & mercenarii.

Ut refutetur hoc malum fundamentum, breviter referam ex communi sententia Theologorum & dictis Sanctorum Doctorum, quanta mala & pericula contineantur in peccatis venialibus, ut illis cognitis treuantur omnes, & abstineant ab illis, præcipiè Religiosi: Loquor præcipiè de peccatis venialibus, quæ committuntur deliberaτe & sine urgente causa; non verò de illis, quæ committuntur per inadvertitiam, aut ignorantiam, vel fragilitatem, quæ permittuntur à DEO in justis ad exercitium humilitatis, & facilè dimittuntur.

§ 2.

De malitia peccati Venialis, & quam graviter à DEO puniatur.

18. **J**LLuminatiss. Doctor P. Joannes Tan

Ierius dicit: Quod nullâ linguâ explicari queat, nec ullo intellectu capi, quanta malitia contineatur in uno peccato veniali, quam pernitosum sit animæ, & quanta mala adferat eidem. In primis continet contemptum & injuriam in DEUM quodammodo infinitam, propter infinitam dignitatem offensi, & maximam vilitatem offendentis. Sine comparatione major est injuria, quæ irrogatur DEO per unum veniale peccatum, quam si aliquis occideret proprium parentem, loquendo de injuria, quæ præcisè fit parenti.

Plurimum displicet DEO ac offendit illum, qui tam magnus est. Omnia mala poenalia hujus mundi, ut ignes, cruces, laneria, gladii, &c. Omnes difficillimi morbi totius mundi, ut calculus, iliaca passio, sciatica, podagra, & omnia simul juncta, comparari nequeunt cum malitia unius peccati venialis, quo circa deberet quis secundum rectam rationem præeligere millies ac millies intrare ardenter fornacem, quam vel unum veniale peccatum deliberatè committere.

Po-

Potius toleranda est omnis mors pœnalis, imò annihilatio, quām unum veniale admittere. Quocirca rectè quidam Sanctus: Malo dæmonum adire domicilium, quām vel levi noxâ DEUM offendere.

Si Sanctissimæ Virginis daretur optio, utrum duorum præeligeret, admittere nimirum peccatum veniale, vel videre Filium unigenitum subire omnia tormenta transacta, (si sine peccato id fieri posset) & liberare posset omnes homines ab æternâ damnatione: mallet Christum hæc omnia iterum pati, imò ipsamet vellet hæc potius omnia ei infligere. *S. Brigitta de Revelatione.*

Punit DEUS illud frequenter in hoc sæculo gravissimis pœnis, qui tamen tam justus est. *Moyses & Aaron* propter levem incredulitatis culpam terrâ promissionis privati sunt, ac morte puniti. *Oza* ob levem irreverentiam commissam erga Arcam, à Domino morte percussus interiit. *David* ob curiositatem commissam in numerando populo punitus fuit peste, quā

paucis horis obierunt 70000. Varij Sancti Patres dicunt in his solum veniale fuisse commissum.

In futuro illud punit dirissimam poenam ignis, qui tamen adeo misericors est. Nam omnes poenae hujus saeculi non sufficiunt ad levem aliquam noxam expiandam. Leguntur in diversis Historijs varijs gravissime puniti, & diutissime in flammis purgatorijs ob leves noxas, quas videre licet in Luce Evang. Engelg. qui multa ibidem horrenda scribit de peccatis venialibus. Dispont quoque ad mortem animae, sicut febris disponit ad mortem corporis. Preterea ita liberè & sine causa continuò committere peccata venialia in causa est, quod plurimi in aeternum damnentur. Quia secundum communem doctrinam Theologorum, hujusmodi liberis Transgressoribus in poenam peccatorum, negat DEUS saepè speciale auxilium gratiae, quando urget tentatio ad peccatum mortale, & ita succumbunt temptationi, & peccant mortaliter. Et sic progredientes, ex uno mortali incidunt

dunt in aliud; quia peccatum posterius est
poena peccati prioris: ac tandem in pec-
catis vitam finiunt, & æternum damnan-
tur. Quam doctrinam quilibet graviter ap-
prehendere debet. Insuper pulchritudinem
animæ maculat, fervorem charitatis, DEO
adeo gratum, facit flaccidere. In actioni-
bus bonis meritum gratiæ & gloriæ impe-
dit, retardat à consecutione regna Cœlo-
rum. Religiosi deberent plus deplorare u-
num veniale, quam simplices sœculares di-
versa mortalia.

19. Et quod valde mirum alicui videbi-
tur, sed nihilominus verum: Quod sœpè
periculosius peccatur in parvis peccatis,
quam in magnis. In ore duorum testimoni-
fide dignissimorum hæc veritas confirma-
tur, Chrysostomi videlicet & Greg. Ma-
gni, ita loquentium: Mirabile quiddam, at-
que inauditum dicere audeo; solet mibi non-
nunquam non tanto studio magna peccata vi-
deri vitanda, quanto parva & vilia: illa enim
ut aversemur, ipsa peccati natura officit, hæc
autem, hæc ipsa re, quia parva sunt, desides

reddunt; sed dum contemnuntur, non potest ad expulsionem eorum animus generosè insurgere. Unde citò ex parvis maxima fiunt negligentia nostrâ. Chrysostomus Hom. 87. in Matth. Nonnunquam deterius in parvis, quam in magna culpa peccatur. Major enim quod citius agnoscitur, eò enim celerius emendatur: minor verò, dum quasi nulla creditur, eò pejus, quod securius in usu retinetur Gregorius Magnus 3. p. Pastoralis, Admonitione 34.

Hæc duo testimonia &c; efficaciter probant, quod in frequenti transgressione minimarum constitutionum sàpè periculosius peccetur, quam in transgressione votorum.

Ex his jam dictis liquet, quam insipienter loquuntur, qui dicunt: parva sunt ista, sunt tantum venialia &c. Contra quos meritò graviter excandescit S. Bernardus superius citatus, vocans hoc impénitentiam, peccatum in Spiritum Sanctum, & irremissibile.

C A P U T V.

De quarta causa, quâ se excusant Transgressores Regulae & Constitutionum.

20. **A** Lij tandem excusant continuas trans-

transgressiones suas ex eos, quod Regula & Constitutiones eos non obligent ad aliquam culpam, sed ad solam poenam taxatam, ac proinde quod per transgressiones non diminuatur perfectio, ad quam ex via professionis tendere tenentur.

Hæc excusatio habet majorem apparentiam, quam præcedentes, & propterea plures per illam inducuntur ad transgreendiendum; ac proinde pluribus argumentis & fortioribus refutari debet. Et omnia quæ adducentur ad illam improbandam, à fortiori improbabunt tres præcedentes excusationes. Quod ut debitè fiat, explicari debet sibi obligatio Regulæ & Constitutionum illarum, quæ obligant ad solam poenam. Nam quidquid de hujus obligatione dicetur, à fortiori convenit Regulæ & statutis illis, quæ obligant ad peccatum.

§. I.

Refutatur 4. Excusatio.

21. **U**T igitur refutetur 4. Excusatio & explicetur obligatio Regulæ & Con-

Constitutionum, notandum est.

Nota I. Quòd in quibusdam Religionibus multa continentur in Regula & Statutis, quæ obligant ad peccatum mortale, quæ constant ex verbis Regulæ Exposuit olim R. P. Joannes Capistranus Eugenio IV. quòd in Regula S. Claræ continerentur 130. præcepta regularia obligantia ad peccatum mortale, quorum ferè omnium obligationem abstulit præfatus Pontifex. Ita refert R. P. Marchant in *Resolutionibus casu 30.*

In alijs quibusdam Religionibus transgressio Regulæ &c. obligat ad peccatum veniale: quia hæc fuit intentio Superiorum constituentium & subditorum profitentium.

Sunt & aliæ Religiones, in quibus Regula & Constitutiones non obligant Transgressores ad aliquam culpam, sed ad solam pœnam taxandam. Ita est in Ordine Prædicatorum, in quo Regula & Constitutiones obligant ad solam pœnam, nisi propter præceptum, vel contemptum, Constat ex prologo Constitutionum, Tex-

in 6. litteram. & ex S. Thoma 2. 2. q. 186.

art. 9.

Nota II. Quod præcepta Superiorum sunt in duplii differentia: aliqua vocantur præcepta formalia, quæ fiunt sub hac verborum forma: Præcipio hoc, vel illud, in virtute Spiritus Sancti & Sanctæ Obedientiæ, &c. Et hujusmodi præcepta obligant ad mortale, etiam facta in materia aliâs indifferenti, dummodo habeat motum multum conducens ad regularem servantiam. Exempli gratiâ: Hoc modo sæpè præcipitur, ne Religiosi ingrediantur mutua cubicula, ne ingrediantur hanc, vel illam domum: ne comedant, vel bibant in civitate, & alia similia.

Alia præcepta sunt simplicia, vel materialia, quæ Superiores sæpè faciunt oretenus, sine certa verborum forma, ut dum dicunt: Volo, vel mando, ut hoc, vel illud facias. Et hujusmodi præcepta non obligant ex se ad aliquam culpam, nisi esset magna materia, sed in Ordine Prædicatorum ad solam pœnam, ut patet ex prolo-

go

go Constitutionum Text. 4. littera L. ¶
in Cap. de Novitijs in declarationibus ad
textum 3. in fine. Ubi & ratio additur. Ex
quibus constat, quod Constitutiones &
Regula, quæ obligant ex se ad solam pœ-
nam, propter superveniens præceptum for-
male, obligent ad peccatum; quia tunc fit
contra obedientiæ votum, inquit S. Thomas.

C A P U T VI.

Utrum in Religionibus, quarum Regula &
Constitutiones obligant ad solam pœnam,
citra præceptum aliquando adhuc
obligent ad peccatum.

I. Respondeatur: Religiosos esse in statu
perfectionis, non acquisitæ, sed ac-
quirendæ. Perfectio illa consistit in chari-
tate perfecta, & aliarum virtutum. S. Thom-
as 2. 2. q. 186. a. 6. in corp.

II. Respondeatur: Religiosos inde per-
petuò obligari ad ea, quæ perfectionis
sunt, quæ obligatio oritur ex voto profes-
sionis paupertatis, castitatis & obedientiæ.
Iudem ibidem.

III. Respondeatur: Religiōsi ex vi pro-
fessi.

fessionis tenentur semper tendere & operam dare, ut habeant charitatem perfectam: quæ tendentia consistit in observatione votorum, Regulæ, & Constitutionum. *Ideem art. 7. ad I.*

IV. Respondetur: Votum professionis principaliter respicit tria vota: alia vero omnia, scilicet Regulam & Constitutiones, quæ ad vota ordinantur, respicit secundariò. Ideo transgressio votorum obligat ad mortale: aliorum autem transgressio non obligat ad mortale, sed ad solam poenam taxatam, nisi propter contemptum, vel præceptum: Quia contemptus contrariatur professioni, per quam vovimus regularem vitam. Transgressio præcepti ipsius Prælati, vel Regulæ est contra obedientiam. *Ibidem art. 9. in Corp.*

Nota 1. Circa hanc responsonem: quod aliqua annelluntur voto professionis pro diversitate Religionum, prout congruit eorum diverso fini, vel honestati, quæ obligant sub peccato: ut persolvere Horas Canonicas, frequentare chorum, studere di.

diligenter *S. Scripturæ, Theologiæ, præser-*
tim morali, & controversijs, pro Ordini-
bus Mendicantium, abstinentia à carnibus,
pro Carthusianis, cibus Quadragesimalis,
pro Minimis, deferre habitum sui Ordinis,
pro omnibus, non egredi monasterium
furtivè, & maximè nocte, quod Clemens
VIII. posuit inter casus reservabiles; cui
vicinum est: egredi monasterium cum li-
centia obtenta mentito titulo, ut prætextu
eundi ad infirmos, ire ad alia consortia;
quia inde nata sunt sequi gravia mala in
præjudicium Religionis, præsertim quan-
do sit nocte. Idem est judicium de simi-
libus.

Nota II. Sæpè contingere, ut in trans-
gressionibus Constitutionum, in quibus
subditi incurrit solam pœnam, Superio-
res graviter peccent, si per illas transgres-
siones vident graviter relaxari observan-
tiā Regularem, & non conantur pro pos-
se illa emendate.

V. Respondetur: Religiosus non trans-
greditur suam professionem, si non sit per-
fe-

fectus, sed solum si contemnat ad perfectionem tendere. *Ibidem art. 9. in corp.*

V. Respondeatur: Dupli modo contemnit Religiosus ad perfectionem tendere:
I. formaliter, quando elicit actum hunc:
nolo subjici Regulæ & Constitutionibus.
II. Quando per notabilem negligentiam
& talem incuriam omittit tendere ad per-
fectionem, qualis explicatur *Resp. 8. Quod*
est contemptus interpretatus.

VII. Respondeatur: Religiosi Ordinis
Prædicatorum in transgressione suarum
constitutionum possunt peccare venialiter,
vel mortaliter ex negligentia, ira, vel
contemptu. *Ibidem art. 9 ad 1.*

VIII. Respondeatur: Religiosi Ordinis
Prædicatorum, & aliorum Ordinum, quo-
rum Regula & Constitutiones non obli-
gant ad aliquam culpam, diversis modis
peccare possunt, mortaliter, vel venialiter,
in illarum transgressione.

1. Quando illarum transgressio provenit
ex mala causa, quæ est peccatum.
2. Quando etiam sine mala causa, cum
con-

contemptu virtuali sit transgressio.

3. Quando ipsa transgressio Constitutio-
num est causa peccati.

Explico singula cum Exemplis.

§. I.

Explicatur primus transgrediendi modus.

23. Primus modus, quo transgressio Re-
gulae & Constitutionum est pecca-
tum, contingit, quando illa oritur ex cau-
sa peccaminosa. Ratio est: Quia malitia
causæ transfunditur in effectum, & exin-
de opera alias bona fiunt peccatum: ut e-
leemosyna data pauperi mulieri ad forni-
candum cum illa, est peccatum mortale.
S. Thomas citatus respons. 7.

Ita peccat graviter, qui ex formalis
contemptu transgreditur Regulam & Sta-
tuta. Quod tunc contingit, quando ideo
transgreditur, quia non vult illis subjici,
idque, vel ex malitia, vel quia judicat illa
irrationabilia, vel nullius momenti. Ra-
tio est: Quia hoc directè contrariatur vo-
to professionis, quo obligatur per illa me-
dia tendere ad perfectionem. Insuper,
quia

quia causa, ex qua procedit transgressio,
est peccatum, scilicet contemptus. S. Ber-
nardus ait: *Neglectus culpabilis, contemptus
damnabilis est.*

Similiter peccant, qui Regulam & Con-
stitutiones volunt continuò transgredi, &
pœnas subire recusant. Ratio est: quia hoc
expressè contrariatur voto Professionis, in
quo promittit vivere secundùm Regulam
& Constitutiones, quæ requirunt, ut illa
observet vel subeat pœnam.

A talibus non prout absunt illi trans-
gressores, qui pœnas inviti subeunt, &
murmurant contra illas, ac si eis fieret in-
juria.

Peccant etiam, qui ignorant Statuta &
Ordinationes sui Ordinis, & negligunt il-
las legere & addiscere: quia tales convin-
cuntur ex hoc nolle implere ea, ad quæ
per professionem se adstrinxerunt; quo-
circa talis ignorantia & negligentia, ex
qua peccant, non excusat, quia est de illis,
quæ tenentur scire

Illi quoque, qui ex ira, ut se vindicent

contra Superiorem, murmurant tempore silentij: vel ex mera gula frangunt jejunia Ordinis, & sic de alijs: peccant quoque venialiter, vel mortaliter, secundum qualitatem causæ, ex qua moyentur ad transgrediendum.

Pro quibus tamen nota: Quod in casibus positis & alijs similibus, transgressio Regulæ vel Constitutionum non habet distinctam malitiam à malitia causæ, ex qua procedit. Ita in præsenti sufficit in confessione dicere, in I. casu, commisi peccatum gulæ in materia levi. In II. casu, murmuravi graviter, vel conspiravi contra Superiorem.

Debetur tamen illis peccatis duplex poena: una, quia sunt peccata: altera, quia sunt contra Regulam, vel Constitutiones, quæ ad specialem poenam obligant.

§. 2.

Explicatur secundus transgrediendi modus hic supra positus. 2. Quando etiam &c.

24. PRÆcipua difficultas hic est de continua transgressione Regulæ & Con-

Constitutionum sine aliqua mala causa,
sed ex nulla, vel frivola, ex mala consue-
tudine.

Utrūm in tali transgrediendi modo con-
tingatur peccatum? Et quale peccatum?
Quæ res visa est semper valde obscura, &
ejus resolutio à multis dudum desiderata.

Ad quam difficultatem respondeo: Si
tales transgressores, dum subinde adver-
tunt suum irregularem modum vivendi,
pœnitentiant de illo, & proponant se emen-
dere, & utcumque conantur, quamvis val-
de periculosum sit ita vivere, puto tamen
in illo non contineri virtualem contem-
ptum. Quia contemptus tollitur per pœ-
nitentiam & emendationis propositum,
sive per hoc, quod judicent se malè face-
re, quando advertunt continuas suas trans-
gressiones, & ita implicitè dolent, quo
circa talis vivendi modus videtur perti-
nere ad fragilitatem humanam, & nondum
pertingere ad contemptum.

Si verò illi transgressores continuò &
quamvis occasione habitâ liberrimè trans-
gre-

44 *De Obligatione Regule &c.*

grediuntur Regulam & Constitutiones, cum nulla aut frivola ratione, & in hujusmodi transgressionibus perseverant per hebdomadas, menses &c. Et hoc subinde advertentes, neque cogitant, neque curram aliquam habent de emenda. Tales vivunt in statu valde periculoſo, & proxima dispositione ad formalem contemptum; quinimò in tali transgrediendi modo reperitur interpretativus, seu virtualis contemptus, ac consequenter peccatum, & continuò sunt in malo statu.

Imò, ut inquit *D. Dionysius Carthusianus*, tota taliter viventium vita est continuum peccatum. Et confessiones, quas faciunt, & sacrificia, quæ offerunt, sunt magna sacrilegia, verba illius postea referam.

Probatur: Nam contemptus est voluntaria sine causa continua legis transgressio. Ita R. P. Magister Petrus Martyr in *Summario Constitutionum nostrarum parte 2. cap. 21.* de contemptu refert ex diversis. Atqui hoc reperitur in præfatis transgressionibus, ut patet.

2. *Quia*

2. Quia tales transgressores per liberum illum transgrediendi modum sine causa continuatum ostendunt se nibili facere Regulam & Constitutiones. Et ostendunt eandem pravam dispositionem, quam habent, qui formaliter contemnunt, solum differunt, quod hi aperte & pejori modo faciunt, quod illi faciunt in plicitè & interpretativè. Ponunt idem obstaculum tendentiæ ad perfectionem: & sunt proximè dispositi ad formalem contemptum; quia si tales serio moneantur, obvium est, ut respondeant: Non curò, nolo aliter facere, parvum vel nihil est hoc. Et refert præfatus Pater in præfato Summario in diversis locis, de illis, qui frangunt jejunia regularia sine causa, similiter de his, qui utuntur lineis ad carnem, qui frangunt continuò silentium, & in similibus perseverare intendunt, dicit, quod disponantur ad damnabilem contemptum. Fuit hic vir doctissimus, & in regularibus Constitutionibus versatissimus.

Peccatum verò, quod sic vivendo com-

mittitur, directè contrariatur professioni, per quam aliquis promisit Regularem vitam, inquit S. Tho. 2. 2. q. 186. a. 9. in corp.

Si quis objiciat, quòd S. Thomas loco citato ad 3. dicat: Quòd frequentia peccati dispositivè inducit ad contemptum. Ergo in ea nondum est contemptus.

Respond. Quòd S. Thomas ibi loquatur de contemptu formalí, ut patebit legenti eum. Cui conformia sunt jam dicta à nobis, quòd virtualis contemptus inducit formalem.

§. 3.

Explicatur tertius modus transgrediendi Regulam & Constitutiones cum peccato.

25. Committitur quoque peccatum mortale vel veniale in transgressione Regulæ vel Constitutionum, quando ipsa transgressio est causa peccati, vel est scandalosa trahens alios ad peccatum, vel propinquè disponit ad peccatum, vel tales sunt transgressiones, ut notabiliter enervent, vel relaxent disciplinam & observiam regularem.

Nam

Nam malus effectus habet malam causam. Singula illa declarabo in sequentibus probationibus.

Pro quo iterum nota: Quod in hujusmodi transgressionibus non reperiatur duplex distincta malitia, ita ut sit alia malitia transgressæ constitutionis, & alia sit malitia peccati, quod ex illa sequitur, sed eadem sit causæ & effectus. Exempli gratiâ: Qui frangendo silentium litigat cum Fratre, & dicit ei graves contumelias, sufficiet ei dicere: Dixi graves contumelias fratri. Et idem de similibus.

26. Patet 1. veritas responsonis in transgressione silentij. Nam ubi continuò frangitur silentium, non potest esse Religio, secundum quod scribit *Apostolus Jacobus Epist. Can. cap. I* & *Sanctus Hieronymus in Epist.* Religio Sancta non potest esse in loquacibus. Et *S. Augustinus*, qui non custodit linguam suam, Monachus non est. Et sicut ex silentio religioso omnia bona oriuntur, quæ in specie recenset *Ioannes Climacus in scala*, ita ex loquacitate oriuntur

tur omnia vitia, quæ refert S. Antoninus p.
I. tit. 2. c. 4.

Inter alia negligitur reflexio super actiones suas, & seria recollectio sui ipsius, ad vitam religiosam tantoperè necessaria. Negligitur studium pietatis & devotionis. Negligitur studium Sacrae Scripturæ & Theologiæ, ex quo redduntur inepti confessarij in ruinam animarū, & infructuosi concionatores. De quo dicit solemnis ille Theologus P. Dominicus Bannez, quod Dominicanus, qui quotidie non studet per notabile tempus, graviter peccet. Idem dicendum est de alijs Ecclesiasticis, qui habent tales functiones. Item per continuam loquaciam fiunt jurgia, murmuraciones, detractiones & innumera alia peccata, per quæ fiunt quotidie peiores. Similiter qui frangunt jejunia Ordinis frequenter & sine causa, fiunt magis ac magis gulosi, carnales, immortificati, appassionati, & alienati ab omni bono honesto. Et ita seipsum examinanti per alias constitutions, apparebunt alij defectus, & deprehend-

hender post multos annos, in Religione transactos, se multò pejorem esse, quam erat, dum Religionem intraret. De quibus verificatur illud *Thom. à Kempis*: Multi computant multos annos Religionis, sed paucos Religiosæ conversationis. Et aliud: Multi sunt veterani in Religione, sed vix Novitij in observatione. Quando igitur, & in quo, & per quas actiones tendunt hujusmodi Religiosi ad perfectionem charitatis & omnium virtutum, in quibus consistit religio, verè igitur dicunt *Hieronymus Augustinus* & alij Patres, quod tales non sunt Religiosi, qui tamen ut Religiosi in rigore judicabuntur.

2. *Probatur*. Quia continua transgressio Regulæ & Constitutionum redundat paulatim in transgressionem votorum: Nam secundum *S. Thomam* supra citatum, hæc ordinantur ad votorum observantiam, & sunt quasi nervi, quibus fortiter manet colligata, & subsistit vita Regularis, & illis per transgressionem sublatis, enervatur & corruuit Religio. Sicut in civitate, destru-

Eo antemurali & propugnaculis, facile ruit murus, intrat hostis & vincitur civitas. Ita quoque quando Religiosus circa mandata Superioris incipit inquirere, quare hoc, quare illud, quare ego, & quare non ille, &c facilè progreditur & dicit: Ego hoc facere non teneor. Tandem, ego hoc facere nolo. Similiter, Religiosus, qui contra statuta sua incipit parva incipere sine licentia, expendere, alienare, paulatim illa crescunt, & fit proprietarius. Sic etiam quando solus incipit loqui cum fœminis, deinde familiariter agere cum illis, recipere litteras & munuscula, finaliter sequitur incontinentia.

III. Probat: Quia liberi illi Transgressores verbo & exemplo trahunt alios ad deplorandum suum vivendi modum, & sic paulatim destruantur præclarissimæ Religiones, quæ à suis Fundatoribus in maximo sanctitatis rigore sunt institutæ, & cum magna ædificatione populi dudum floruerunt, idque cum irreparabili damno, gravissimo præjudicio honoris DEI, scandalo

lo sacerdotalium, & perditione infinitarum animarum, quas Religiosâ vitâ potuissent Christo lucrari.

In talibus Religiosis locum habet terribilis illa visio Sancti Pachomii, quam videt de futuro statu sui Ordinis. Illam reperiunt licet in vitis Patrum conscriptis à S. Hieronymo in vita S. Pachomii. Et in gemitu Columbae Cardinalis Bellarmini. Legant illam, & in illa reperient lumen, quo evadant periculosas suas tenebras.

30. Tandem hæc omnia probantur efficacissimè, illa præsertim, quæ habentur in Responseione octava ex Doctrina Divi Dionysii Carthusiani de Reform. Claustr. Cap. 6. Qui de talibus Religiosis ita scribit: *Quamvis multa contineantur in Regulis Statutis Religiosorum, ad quæ non tenentur de necessitate præcepti, ita quod statim peccent mortaliter, quando in aliquo fuerint negligentes, ut est observantia silentii, surgere alacriter ad Matutina, otiositates vitare, inutiliter hinc inde discurrere, atque similia; verum consuetudo excedendi, seu assiduitas de-*

linquendi in istis, & non curare, neque emendare, non potest à mortali excusari peccato, (scilicet propter contemptum saltem virtualem) propterea Religiosi deformati, in quibus parva, aut nulla, est rigoris, aut discipline observantia; qui carnaliter aut sensualiter vivunt, & mundanis vanitatibus pleni sunt, otiositati & loquacitati vacantes, in innumerabilia prorsus incident vitia & peccata, non venialia tantum, sed & mortalia, imò tota illorum vita est quasi peccare continuum: præsertim quia & hæc ipsa bona, quæ agere videntur, tam negligenter, irreverenter, & tepidè, tam inordinate, atque indebitè agunt, ut magis sit offensivum DEI, quam honorativum, ac reconciliativum ipsius. Tales enim qui in facibus suis jugiter manent, qualiter confitentur? Qualiter celebranti? Qui se in nullo emendant, imò de multis, quæ mortalia sunt, nullam sibi conscientiam facere comprobantur. Hæc ille vir, quem Bellarminus de Script. Eccles. doctissimum ac sanctissimum vocat. In qua Doctrina (quæ nimium vera est) si bene considetur à laxis Religiosis, videbunt tanquam in

in speculo fordes conscientiæ, & evidens
periculum æternæ damnationis.

31. Quapropter hæc doctrina incutere
deberet maximum timorem omnibus Re-
ligiosis, tam Superioribus, quam Inferio-
ribus, & illos eò adigere, ut seriò reco-
lant diem Professionis suæ, in qua sponta-
neâ & sincerâ mente se totos DÉO con-
secrârunt. Promiseruntque, quod omnibus
diebus vitæ suæ usque ad mortem vivent
secundùm Regulas & Constitutiones, non
prout hic, vel ibi servantur, sed prout in
se sonant. Verùm è contrà, vix emissâ
professione statim prætendimus dispensa-
tiones, Privilegia, licentias generales, &
exemptiones à quibusvis Regularibus ob-
servantijs, per quæ Religio irreparabili-
ter decidit, & redigitur ad nihilum. Qua-
si verò eminentissimus ille & Angelicus
status totus consistat, ut maxima DÉO
promittamus, & ex promissis DÉO nihil
reddamus Insignis perfectio! Scriptum
est: Vovete & reddite DÉO vestro; displace
DÉO stulta & infidelis promissio. Et quod

gravius est, Superiores ad talia indiscretè concedenda quodammodo compellimus, socios in tale adjutorium nobis conjungimus, & bonis Superioribus, hæc & similia reformare volentibus toto conatu ob sistimus, socios in perditionem trahimus, & posteris nostris viam ad infernum sternimus, idque usque ad diem judicij, quorum omnium peccata veniunt super illos, qui scandalum illud posuerunt. Quia ut ait Seraphicus Doctor: *Quicunque aliquid exemplum aliis relinquunt, sive bonum, sive malum, particeps est imitatorum suorum, sive in supplicio, sive in præmio sempiterno.* Quemadmodum Dux exercitūs, qui permittit militibus devastare pagum, est omnium peccatorum reus, & restitutioni totius damni obnoxius. Vide notabilem sententiam S. Matris Tereſiæ de Via perfecta cap. 13.

Dignetur nobis optimus Pater præbere lumen, ut tempestivè densissimas has tenebras evadamus, ne setiùs deploremus cum impijs apud Sapientem: *Erravimus à via*

via veritatis, & Iustitiae lumen non luxit nobis, & Sol intelligentiae non est ortus nobis. Apprehendant hæc Superiores, qui suâ negligentia, & indiscretâ Indulgentiâ horum omnium sunt principalis causa. Attendant quoque ad hæc omnia Superiores & Confessarij Monialium, ut illas frequenter admoneant de tanta obligacione Regulæ & Constitutionum, etiam minimarum.

CAPUT VII.

*Sequuntur aliquæ objectiones contra
prædicta.*

Obiciunt I. Qui semel aut iterum frangit silentium V. G. non peccat, vel si peccet, tunc se quitur, quod quævis transgressio Constitutionum sit peccatum, ac proinde quod numquam obligent ad solam pœnam. Vel si semel aut iterum frangere silentium non sit peccatum, ergo neque erit peccatum centies frangere, quia omnes transgressiones sunt ejusdem rationis. Similiter potest fieri argumentum de alijs Constitutionibus.

32. Ad quæ respondetur: Quòd licet quælibet transgressio secundum se præcisè sumpta sit ejusdem rationis cum prima & secunda transgressione, considerata tam cum pluribus alijs, per notabilem negligentiam iteratis, prout declaravi jam supra Responsione 8. Habent posteriores aliquid, quod non habent priores, scilicet interpretativum contemptum, ut patet ex Respons. 8.

II. Objiciunt ad hæc: Esto foret peccatum transgredi dicto modo Constitutio-nes: attamen quòd hodie aliquis frangat silentium, foret solum veniale peccatum unum, vel plura. Vel quòd aliquis fran-gat jejunium Ordinis sine causa & licen-tia, est ad summum veniale peccatum, fa-ciatur similiter cras, & perinde, forent so-lum venialia: sed venialia multiplicata non faciunt unum mortale. Quemadmodum, si quis hodie in lectione Horarum omittat aliquot versus, similiter faciat cras & per-indre, manerent solum tot venialia. Idem reperitur, si aliquis in parvo frangit jeju-ni-

nium Ecclesiæ diversis diebus, non constituitur ex illis peccatum mortale. Ergo similiter dicendum videtur, quod multiplicatae transgressiones Constitutionum non poterunt unquam constituere peccatum mortale.

33. Respondetur: Quod quando multi actus venialiter peccaminosi uniuntur in objecto seu materia, tunc ultimus ille actus, in quo completur notabilis materia, vel in qua vult permanere, illa voluntas est peccatum mortale, ut videre licet in parvis furtis. Ut, decies surripere unum assem, sunt tot venalia, licet semper accrescant; sed quando sic pervenitur ad decimum sextum, vel vigesimum assem, tunc velle retinere illum assem cum praecedentibus, committitur peccatum mortale. Idem contingeret, si aliquis in Jejunio Ecclesiæ eadem die sepius sumeret parum cibi, ultima sumptio fieret mortalís, in qua completur notabilis cibus assumptus. Quando vero multi actus non sic uniantur, tunc licet sepius iterati, manent solum

venialia, ut contingit in duobus ultimis exemplis positis in argumento.

In præsenti verò frangere frequenter jejunia Ordinis, silentia & similes majoris momenti Constitutiones cum frivola aut nulla causa, uniuntur in hoc, quod aliquis maneat irreligiosus, immortificatus, totus sensualis, non progrediatur in via virtutum, maneat imperfectus, & post multum temporis sàpè pejor, quam dum Religio nem intraret, quæ omnia graviter militant contra obligationem, quam in professione assumpsit & sequuntur alia detrimenta Religioni superius relata.

III. Objicitur contra prædicta: Ego vivo secundùm Regulam & constitutiones, tametsi frequenter transgrediar, quando paratus sum ad taxatam pœnitentiam subsecundam pro transgressionibus, quia Constitutiones non plus requirunt, ut patet ex prologo, ubi dicitur: quod Regula & Constitutiones non obligant nos ad culpam, sed ad solam pœnam.

Respondeatur: Quod obligent nos ad
so.

solanam pœnam secluso contemptu; in continua transgressione Constitutionum sine causa reperitur interpretatus contemptus, juxta dicta responsione 8.

IV. Conqueruntur, quod in tantum multiplicentur Constitutiones & Ordinationes, quod vix possint memoriam retineri, quomodo ergo poterunt impleri? Et onus novæ Legis, quod Christus leve & suave prædicavit, viderur in Religionibus per diversa statuta adeò aggravari, ut tandem de jugo Religionis dici poterit, quod Apostolus Petrus de antiqua lege dixit: Quod nec nos, nec Patres nostri portare potuimus.

34. Respondetur: Quod per diversa & multiplicata statuta additur onus votis nostris, sed non est onus aggravans, sed allevians, prout S. Bernardus dicit de lege Evangelica in ordine ad legem antiquam moralem: Additur (inquit) onus oneri, & minus onerat; & sic oneri gravissimo leges accedens quadriga Evangelii, & auxit perfectiōnem, & minuit difficultatem.

Quem

Quemadmodum, si equo, qui deberet portare duodecim fassis tritici, addas currum, ita Regula & Constitutiones adjunguntur votis ad alleviandum onus eorum.

Neque etiam onus, quod addunt, est difficile: nam quando pulsatur ad Ecclesiam, & equali facilitate potest quis omnibus relictis statim ire, quam hærente per medium quadrantulum, & serius venire. Et auditio signo silentij & quæ facile potest statim discedere, quam in locutorio longiorum protrahere moram. Idem est de alijs observantijs. Neque sunt ita multiplices, quin facillime possint retineri, si quis ex amore perfectionis, quam profensus est, legat & relegat subinde capitulum aut alterum: Quia sæpe legimus multa vana, & benè retinemus. Ad quod etiam hortatur *Humbertus* quondam Generalis Ordinis Prædicatorum, dicens: *Lectione diligens Regula & Statutorum propriæ professionis, necessaria est, quia (inquit) fit contra Regulam frequenter, quando non legitur Regula.*

V.

V. Alij sunt, qui vellent observare Regulam & Constitutiones, tamen incipiunt & pergunt transgredi statuta sua cum Socijs, quia timent illos offendere, vel obloquia ipsorum, vel quia non audent publicè agere contra communem consuetudinem, ne videantur singulares, vel agere tanquam Novitij, vel habeantur tanquam scrupulosi, vel hypocritæ.

35. Rr. Si propter observantiam Regularem, ad quam obligor, incurro indignationem, & displico socijs meis, non est hoc curandum, teste Apostolo, dum dicit: *Si adhuc hominibus placerem, Christi servus non essem.* Nam sic displicendo hominibus magis places DEO. Consuetudo illa communis Religiosorum aliorum corruptela est Religionis, ac ideo detestanda. Et non à pluribus, sed ab honestioribus forma sumenda est, inquit *S. Bonaventura in Speculo p. I. c. 2.*

Neque est mala singularitas servare communes regulas & statuta, ad quæ tota communitas obligatur. Neque est Noviti-

tiorum exactè sua statuta observare, qui nondum illis obligantur, sed professorum. Imò & quanto seniores sunt professione, gradu, vel officio, tantò plus obligantur ad eorum observantiam: Quia debent bono suo exemplo ædificare juniores, monstrando, quantum profectum in via perfectionis fecerunt, & in illa progredi usque ad mortem, prout promiserunt. Nec est hypocrisis facere id, quod debeo, sed sincera fidelitas: Neque exactè observare sua statuta est scrupulosum, sed Religiosum. Et quietare conscientiam suam in hoc, quod illorum transgressio non sit peccatum, est astuta diaboli persuasio, per quam subtiliter inducit, & suaviter illaqueat Religiosos in sensuali illa libertate, & ita paulatim destruit observantiam: quia hæc est vera radix, ex qua semper prodit ruina Religionum in sanctissimis Monasterijs, ut observatum est à pluribus sanctissimis Viris.

VI. Multi à parvis incipiunt sua facere sine licentia Superiorum, & paulatim pergunt ad majora; tandem in nullo petunt

qui licentiam. Quia pudet illos frequenter accedere Superiores; ac eò confidentius, quia existimant, quòd Superiores nolunt continuò molestari.

36. Rr. Sed pudor ille, vel potius superbia illa, est nimis pernitosus, quia nata est auferre totam promissam obedientiam, & Religiosos iteratò transferre ad propriam voluntatem, quod Sacrilegum est: boni superiores, qui cogitant, quòd de vita singulorum debebunt reddere rationem, libenter volunt & debent scire, quid singuli agant: quomodo alias de vita illorum poterunt reddere rationem Christo Domino supremo Judici? Deinde incipiunt quævis oblata recipere sine licentia, & ita perit paupertatis votum. Tandem quærunt conversationem muliercularum, à quibus hæc recipiunt, ac ita periclitatur castitas, propter quæ DEUS primò ab ipsis desertus, deserit illos; & meritò subtrahit lumen ab intellectu, ut videntes hæc non videant, aufert à voluntate emollientem gratiam, & ita obdurantur, ne in horum omnium trans-

transgressionibus amplius scrupulum senti-
ant, & ipsi, sic quietè morientes, sepeli-
untur in inferno.

CONCLUSIO.

PERPENDANT hæc frequenter & accurate
omnes Religiosi, qui faciles sunt in
transgrediendo Regulam suam & Consti-
tutiones; considerent, (inquam) quām
periculose sit ita vivere, & quām hor-
rendum sit ita mori; quid tales respondere
poterunt in hora mortis iustissimo Judicii
Christo, quando exactè repetet pretiosum
illud talentum Religiosi Statūs, in quo
quotidie debebant progredi de virtute in
virtutem, tendere ad majorem perfec-
tionem, producere quotidie fructus in lu-
crum animarum verbo & exemplo? Cūm
tamen econtra, prout clarè videbunt in
hora mortis, vitam suam esse deteriorem,
quām dum ex saculo primitūs ad Religio-
nem venerunt, in vinea Domini se spinas
protulisse, non uvas: dedisse se proximis
exempla pravitatis, & non charitatis. Si
servus ille Evangelicus, qui talentum suum

di-

liligenter custodierat, sit graviter repre-
sentiens, & ligatis manibus & pedibus mis-
pelitus in tenebras exteriores, quia in illo ne-
gotiatus non fuerat, & lucrum non adfere-
bat; quid fieri de nobis, qui non tantum lu-
crari negleximus, sed talentum ipsum irre-
ligiosè vivendo dissipavimus? Quomodo
indignationem irati Domini perferre po-
terimus, qui ex tam magnis promissis ni-
hil solvimus? Quia in Religione non per-
fectè vivere, summa damnatio est, (inquit
S. Eusebius.) Perpendamus igitur hæc tem-
pestivè, antequam talentorum Dominus
redeat ex longinqua profectione, & inci-
piat nobiscum inire exactam rationem: ubi
tunc singula exactè computabuntur, & se-
cundùm rigorem iustitiae punientur.

Donet igitur Dominus, ut Regulam & Constitutiones exaltè observemus, tanquam spiritualis pulchritudinis amatores: & ubi nos invenerimus ea, quæ scripta sunt, facientes, agamus gratias Dominino bonorum omnium Largitatem: ubi verò sibi quicunque nostrum viderit alicuius deesse, doleat de præterito, caveat de

futuro, orans ut sibi debitum dimitatur, & tentationem non inducatur. Ita S. P. Augustinus finit sanctam suam Regulam.

Finio & ego hunc tractatulum ad maiorem DEI gloriam, si subjunxero haec brevem regulam S. Caroli Borromaei, quan sequendo pervenit ad apicem perfectionis, quæ talis est:

A minimis incipe,

Semper progreditor,

DEUM semper ante oculos habe.

Quod nobis concedere dignetur totius perfectionis Magister & Origo Christus JESUS, qui est D E U S super omnia benedictus Amen.



TRACTATUS

RP. DANIELIS CONCINA

S. Ords Prædicatorū Theo-
logi.

V

Domi
tus fu
Multi
prom
fidelis
homini
deyor

FACULTAS REIMPRIMENDI
DIÆCESANA

UT Dissertatio DANIELIS Con-
cina Ordinis Prædicatorum in
Tomo priori reperta Bononiæ Anno
1762. impressa, sub Titulo de Statu
Religioso, Capitibus duodecim con-
stans, recudi possit, & valeat, con-
cedo facultatem Die 28. Aprilis 1765.

M. CASIMIRUS STEPLOWSKI SS. post
Theologiae Doctor & Professor, Collega Ma-
ior, Librorum per Diæcesim Cracoviensem subfi-
Censor.

mpp.

Votum - - - non tardabis reddere (ait
Scriptura Deut: 23.) quia requiret
Dominus DEUS tuus illud (nam) si mora-
tus fueris tibi reputabitur in peccatum.

Multo melius non vorere quam post votum
promissa non reddere. Displacet D E O in
fidelis & stulta promissio Eccle 5. Ruina est
homini (ait Sacer Proverbialista Cap. 20.)
devorare (seu alii legunt devotare) San-
ctos & post vota retractare. Vorere Consi-
litii est, sed reddere necessitatibus iuxta Glossam
anno in illa verba Psalmista: vorete & reddite
tatu que distinxerunt labia. Netrans-
con- gradiaris termines antiquos quod posuerunt
on- patres tui Pro. 28. qd. Ne transgrediaris
765. limites morum quos Patres fixerunt, ut aliter
agere velis quam ab illis sancitum est. Corn.
a Lap. hic. Idem in Cap. Prov. qui
SS. post vota inquirit rem aliquid deteriorem,
Ma- quam pro meliori D E O vota si erroget &
rsem substituat Ec. Religiosus debet

respicere Regulam ut mulier vana speculum
San. Vin. Fer. de San. Fran. Seraph.
Venire quidem ad eremum summa perfectio
est, non perfecte in eremo vivere summa da-
mnatio est. SS. Eusebius & Cæsarius.

Illos gehenna devorat qui in habitu Religionis
negligenter vivunt S. O. Clunia.

Vere optimum exemplum bene vivendi reliquit
nobis omnibus I E S U S Christus, ipse Ma-
gister omnium, ipse Liber & Regula Religio-
rum. Thom. Kem. Ser. 3tio ad No-
vitios.

Estote ergo vos perfecti
sicut & Pater Vester Cœlestis perfectus est.
Matt. 5. (concludit Christus)

DIS-

※※※)(+)(※※※

I

DISSERTATIO

De Statu religioso Præloquium.



Uatuor hoc de argumento
volumina edidi, quorum
primum inscribitur *Com
mentarius historico-apologeti
cus Ec. alterum: Disciplina
Apostolico-Monastica.* Ad
versus hanc: *Disciplinam Apostolico-Monasti
cam* duo prodiere volumina; unum inscri
ptum: *Vindicia Regularium;* alterum hac e
graphe insignitum; *Vita Claustral.* Hos
duos libellos revera famosos plenos erro
neis Commentis, fabellis, & dicterijs con
trivi, & penitus labefactavi, opere inscri
pto, *Defensio Decretorum Concilii Tridentino
ni,* in duo volumina distributo, atq; jussu
Sapientissimi Pontificis Benedicti XIV. e
dito. Ex his pauca decerpam.

A 3

CA-

De Statu Religioso
C A P U T . I.

Status Religiosi notio, & eiusdem obligatio a spirandi ad perfectionem evangelicam.

I. **Q**UÆSTIO I. *Quid sit status Religiosus?*

R. Est via facilius pervenienti ad perfectionem Evangelicam. A virtute Religionis quæ inter morales eminet, nomen suum fortitur sacer hic Status; idcirco Religiosus appellatur. Stabilitatem & immobilitatem secum, adfert. Ut sit talis, requirit approbationem ab Ecclesia factam, ut habetur ex Concil. Later. IV. Cap. *Nimia*. Necessaria est quoq; Professio trium votorum juxta aliquam ex Regulis approbatis à Sede Apostolica. Hinc singuli Ordines suam propriam Regulam habent, & Constitutiones, ad quarum normam statutum Religiosum profitentur.

II. **Q**UÆSTIO II. *Utrum Religiosi tenentur sub gravi peccato tendere ad perfectionem.* 2. R. Quæstio hæc perspicua indiget explicatione. Omnes Christiani sive Laici, sive Ecclesiastici, sive sacerdotes, si-

ve claustrales, præcepto ligantur aspirandi ad perfectionem. Fortasse imperitis veritas hæc impervia erit. Sciant ergo oportet, perfectionem hanc de qua nunc nobis sermo est, in caritate sitam esse, ut Evang. & omnes Patres docent. Hinc S. Tb. 2. 2. q. 186. a. 2. describit statum Religiosum quod sit: *disciplina quædam, seu exercitium pervenienti ad perfectionem.* Ut enim Religiosi facilius & expeditius, hanc metam attingant, tria Consilia Evangelica ad quæ revocantur cætera vovent. Hæc tria vota sunt instrumenta, & veluti currus rotæ, quæ viam sternunt ad hoc pallium sequendum. Omnia præcepta Evangelica, sunt media necessaria, consilia sunt instrumenta libera, ordinata ad præceptum caritatis Hoc præceptum est finis & meta omnium præceptorum & Consiliorum. Neq; in Consiliis igitur neq; in cæteris mandatis, sed in sola caritate sita, est perfectio Evangelica, ad quam sub præcepto aspirare omnes tum Christiani, tum viri Religiosi astringuntur. Cum Christus di-

xit: *Estoffe ergo vos perfecti. Sicut & Pater
vester Cœlestis perfectus est.* Matt. 5. Non
Monachis non Claustralibus hoc intonuit,
sed omne prorsus genus humanum allocu-
tus est, cū tunc nec Monachi nec Claustra-
les essent.

III. Crasso ergo obvolvuntur errore
Christiani qui existimantes hanc perfecti-
onem Evangelicam quid supererogatio-
nis esse, & Consilij, virisq; duntaxat Re-
ligiosis competere, nihil conantur ad eam
consequendam. Caritas hæc separat ani-
mam ab amore mundi, & eorum quæ in
mundo sunt, eamq; conjungit DEO. Et
quo magis anima separatur à concupiscentia
carnis, à concupiscentia oculorum, à
superbia vitæ, ut inquit *S. Joan Epist. I.
Cap. 2.* eo intimius DEO conjungitur. Ad
hanc unionem cum DEO omnes Christi-
ani ex præcepto astringuntur. Ergo o-
mnes Christiani ad caritatis perfectionem
tendere obligati sunt. Hoc duntaxat discri-
men est, quod Christiani per solam præ-
ceptorum viam currere ad perfectionis
me-

Dissertatio

§

metam tenentur. Viri autem Religiosi, ut
eam ipsam metam facilius assequerentur,
Consilia amplexi sunt evangelica, & ea-
dem tribus solennibus votis servanda sibi
imposuere.

IV. Christiani igitur vigiles sint o-
portet in servandis præceptis, quæ orati-
onis studium, sensuum custodiam, & car-
nis compressionem, æquitatem, cordisq;
puritatem jubent, quia hæc & cetera o-
mnia mandata, ut dixi sunt instrumenta
necessaria, perveniendi ad caritatis perfe-
ctionem, seu conjunctionem cum DEO.
Et quoniam hæc conjunctio major atq;
intensior in uno ac in altero est, ideo u-
nus altero perfectior evadit.

V. Contra viri Religiosi, præter hæc
præcepta servare tenentur tria vota, &
propriam Regulam & Constitutiones,
quas Sancti Patriarchæ, Divino afflante
Numine præscripsere, tanquam media quæ
adjuvant, & facilius conducunt ad præsti-
tutam metam.

VI. Unde inquires, colligere possu-
mus

mus visos sive Christianos, sive Religiosos implere hoc præceptum aspirandi ad perfectionem? Christiani qui à vanis pompis, à Luxu, à fastu, ab occasione violandi præcepta Decalogi vigilanter abstinent; qui in orationis studium incumbunt; qui iustitiam & æquitatem servantes, cuiq; quæ sua sunt tribuunt; quiq; sibi fieri vel lent, alijs faciunt; qui proprij status officia implent: hi signa perhibent, se per viam Evangelicæ perfectionis ambulare.

VII. Si Christiani ipsi proprij status Officia, & munia regendi familiam, educandi filios, providendi domesticis necessaria, & cetera omnia implere debent; quanto magis propriæ Religionis munia, vota, ritus, statuta Legesq; exequi tenentur viri Religiosi? Unde verò colligi poterit viros Religiosos perfectionis studio operam sincero animo impendere? Forsan ex observantia silentij, ex orationis assiduitate, ex sensuum, carnis, & appetitionum compressione, ex votorum paupertatis castitatis & obedientiæ executio-

ne

ne? Perfecto hæc omnia signa, satis probabilia sunt, at interdum fallacia. Hæc enim omnia hypocrisis fructus esse valent. Ut ille viam tibi paret ad regimen, ad præfecturas, ut sibi existimationem viri religiosi, & proprij instituti observatoris, comparet, exequi præfata omnia potest, & sub Sacræ Religionis pallio diaboli martyr evadere. Quænam ergo animi aspirantis ad perfectionem Christianam argumenta? Caritatis exercitia, amor erga omnes, patientia & tolerantia injuriarum, animi candor, lingvæ sinceritas, mentis docilitas, mundanarum rerum contemptio, politicorum respectuum proculatio, pectoris evangelici fortitudo, sermones Christi, carni & sanguini hostiliter adversos, palam profitendi studium, propriæ existimationis mundanæ, neglectus. Hæc sunt indicia, quæ animum in perfectionis Christianæ studio percurrentem indicant; Siquidem reperiri media sine fine queunt. At finis consistere sine medijs nequit. Possunt itaq; cæremoniæ & observatio-

nes votorum, Constitutionum aliorumq;
rituum extrinsecus apparere ueste nuptia-
li destitutæ, & hypocrisis larva tectæ. At
Caritatis exercitia, quæ sunt illorum finis,
sine eisdem stare non queunt.

VIII. Hinc colliges non satis pro-
prio muneri satisfacere illos Regularium
Superiores, qui in suis Capitulis continen-
ter clamant adversus quasdam cæremoni-
arum transgressiones, & vix aliud incul-
cant suis subditis, quam silentij custodiam,
chori frequentiam, jejuniorum & quarun-
dam genuflexionum observantiam, Laudo
hæc omnia; sed illud doleo, quod præter-
mittant hortari, persuadere, & urgere ad
caritatis exercitia. Accensa enim flamma,
hac in Religiosorum animis, cætera omnia
spontè fluunt. Caritatis quippe planta est
fæcundissima, fructus pariens, ad æternita-
tem maturos. Caritas benigna est, patiens
est, non æmulatur, non agit perperam,
non inflatur, omnia sustinet, omnia suffert,
non querit quæ sua sunt, sed quæ IESU
Christi, non reformidat sæculi potentiam,

non

non pertimescit adversariorum calumnias sed impavido pectore verbo, & opere Christi legem & propriæ. Professionis munia exæcte implet Ignis iste Cælestis semper ardet ubi adest, & flamas continenter emittit. Si arderet in Superiorum cordibus, dubio procul favillas suas immitteret in subditorum animos. Illi ergo qui neglecta caritatis prædicatione, cæremoniарum tantum observationem inculcant, ipsi se caritate impleant, ut hanc in alios transfundentes, optimos sibi subditos comparent.

IX. Caritas dulcissimo benevolentiae fædere animos conjungit, efficitq; cor unum, & animam unum. In ea communitate in qua aversiones, dissidia, tanctiones contrariæ servent; in qua Superiores versutiam, vafritiem, cor duplex, lingvam amphibologicam, prudentiæ larva induunt, candore, sinceritate, affabilitate pulsis, caritatis flamma certè non ardet; sed spiritus mendax & mundanus, & scientia, quam S. Jacobus diabolicam appellat do-

minatur. Si Superiores verbis laudant, satisfactis tergiversentur, negent, spondeant, illudant, velifcentur, adversentur, prout temporum rationes ferunt, inter subditos & ipsos Superiores; deprehensa illorum vafritia; nulla sinceritas, nullus animi candor, caritas nulla viget. Sed econtra murmura, dissidia, aversiones, & perpetua bella grassantur. Superiores qui aperto animo, sincero corde, ingenua lingua subditos colligunt & amplectuntur, illos sibi devinciunt, obligantq; illo ipso tempore, quo favores denegant, dum impetriri salva legge nequeunt. Verum in semitam à diversiculo alioquin oportuno revertamur.

X. Religiosi ergo illi qui neglegunt Orationis, mortificationis, poenitentiæ, abstinentiæ & propriæ Regulæ atq; Constitutionum exercitio, ea solum peragunt, quæ prætermittere nequeunt, qui ludis, fabulationibus otio, solatijs diverticulis indulgent, qui sumpta cappa, aut pallio civitatem circumeunt, curiosa se extantur; qui si mensa ad palatum non sit instructa, ob-

mur-

murmurant, Superiorum exhortationes & mandata derident, & super eisdem jocantur, fabulantur, controversantur, non Evangelicæ perfectionis, sed æternæ damnationis viam percurrunt.

XI. Ut multa in pauca contraham, omnes Christiani sive laici, sive Religiosi aspirare ad Evangelicam perfectionem vi præcepti sub mortali astringentis tenentur, sed medijs varijs, quæ omnia per unicam & arctam viam ad eamdem metam ducunt. Christiani Laici sola præceptorum exacta observatione; Religiosi ad præceptorum executionem addunt trium votorum & propriarum Constitutionum observantiam. Hæc vota, hæ Constitutiones & Regulæ non sunt, inquiunt Patres, sarcinæ & pondera quæ opprimant; sed sunt alæ, quæ iter allevant, & sursum erigunt. Quamobrem status Religiosus, nuncupatur Schola facilius perveniendi ad perfectionem caritatis, ad quam omnes Christiani tendere astricti sunt. Gravius utiq; Religiosi, & scelestius peccant, hoc præce-

ceptum violantes, quam Christiani Laici. Quoniam Viri Religiosi uberiori gratiarum & donorum à DEO copia sunt instructi, facilius & commodius angustam calcare semitam Evangelicam queunt. Idcirco isti sacri legi, ingrati atq; nequissimi DEI servi habentur, cum tot talenta à DEO accepta prodigunt, & dilapidant. Quando quidem à curis sacerdotiis à mundi periculis quibus miseri Christiani obnoxij sunt, segregati, nihil de vietu, & vestitu cogitare coacti, unice vacare DEO, & proprii instituti observantiae facillimè queunt. Quare dupliciter vapulabunt, si nancisci perfectionem Evangelicam omittent, ne dum contemnent.

XII. Disputare Theologi solent; num satis sit trium votorum observantia, neglectis alijs legibus quæ ad gravem culpam non obligant: & rursus controversantur, num continuata istarum legum transgressio istarum legum inducat contemptum, virtualem, & interpretativum? Verum paucis rem dirimo, tria vota commu-

ni-

nia sunt omnibus sacris ordinibus. Quilibet Ordo Religiosus ab altero distinguitur suis peculiaribus Staturis, Regulis, & Constitutionibus. Ergo præter tria vota omnibus communia, necessaria est proprij instituti observantia, alioquin nullius determinati Ordinis esset Religiosus ille qui tria dumtaxat vota servaret. Necessaria itaq; est propriæ Regulæ, & Constitutionum observantia, ut quis dicitur studio vacare Evangelicæ perfectioni.

XIII. Num transgressio hujus aut illius Monasticæ Constitutionis iter intercipit perfectionis Christianæ? Distingvendus est animus constans & firmus propriæ Professionis implendæ, à transgressione hujus aut illius legis ex animi subreptione, & imbecillitate proficidente. Quotidie labimur omnes. Qui ex infirmitate aliquam legem non obligantem ad culpam, saltem gravem, violent, cespitant, & aliquomodo claudicant in via; at continuo surgunt, animumq; & vires redintegrant, ut celerius currant. at quia debiles & infirmi

mi sumus, denuo claudicamus, ac simul
denuo alas resumimus plus & minus, pro-
ut magis & minus caritatis ignis ardet in
corde. Illi igitur qui ob communem infir-
mitatem aliquam Constitutionem violant,
non sunt extra perfectionis viam, dummo-
do animum firmum & constantem servent
propriæ Professionis servandæ. Contra
qui passim proprij instituti leges peculia-
res violant, nihil earumdem transgressio-
nes curantes, & in eadem corruptela per-
severantes, extra arctam semitam sunt,
atq; latam & spatiösam perditionis viam
percurunt. Neq; illis quidquam suffra-
gatur quod in Conventibus morentur, ubi
legum observantia, saltem majori ex parte,
in desuetudinem abijt, quoniam nulla cor-
ruptela contra legem præscribit. Brevi,
vota & Constitutiones reciproco nexu
conjuncta sunt Constitutiones sunt voto-
rum præsidia; vota sunt propugnaculum
caritatis. Caritas, vota, & Constitutiones
sibi mutuas manus porrigunt. Hoc nexus
graviter læso & disrupto, totum ædifici-
um

um corruat, necessum est. Qui deliberato animo proprias Constitutiones indiscriminatim violent, mentiuntur, si jaētant aut votorum observantiam, aut caritatis exercitium.

XIV. Tria vota necessaria sunt ad Religiosum statum constituendum, & quidem solemni ritu emissâ in facie Ecclesiæ: status quippe iste firmitatem, & stabilitatem includit; Tria hæc vota Paupertatis, castitatis, & obedientiæ, bellum perpetuum denunciant tribus mundi malis, quæ S. Joan. Epist. I. c. 2. describit. Omne quod est in mundo, concupiscentia carnis est, & concupiscentia oculorum, & superbia vita. De his tribus votis mox sermo recurret. Interim si plura bac de re cupis, lege S. Thomam 22. 2. 186. art. 6. & 8.

C A P U T 2dum.

De Voto Paupertatis.

I. PAupertatis Votum est primum vitæ Regularis fundamentum. Istius voti materia est abdicatio rerum temporalium
ma-

manifestata à Christo Domino Matth. 19.

Si vis perfetus esse, vade, vende, quæ habes,

& da pauperibus. Alia duo Contilia virgi-

nitatis colendæ, & voluntatis abnegandæ,

hominisq; au&toritati subijciendæ, paucis

expressit Magister Divinus. Verum me-

thodum ipsam, qua Apostoli, primi&

Christiani executioni Evangelicæ pauper-

tatis consilium demandarunt, clarè & di-

stinctè Actor. 2. describit Evangelista Lu-

cas. Omnes etiam qui credebant, erant pari-

ter, & habebant omnia communia. Posseffo-

nes, & substantias vendebant, & dividebant

illa omnibus, prout cui& opus erat Fusi&

hanc paupertatis formam exprimit c. 4.

S. Evangelista. Multitudinis autem creden-

tium erat cor unum, & anima una, nec qui-

quam eorum quæ possidebat, aliquid suum esse

dicebat, sed erant illis omnia communia - - -

Neq; enim quisquam egens erat inter illos - -

Quoquot enim Posseffores agrorum, aut do-

morum erant, vendentes afferebant pretia eo-

rum quæ vendebant, & ponebant ante pedet

Apostolorum. Dividebatur autem singulis prout

cui& opus erat.

II.

h. 19.
habes,
virgi-
andæ,
paucis
n me-
rimiq;
uper-
& di-
a Lu-
pari-
Tessio-
lebant
Fusius
c. 4.
eden-
qui-
n esse

os --
e do-
a eo-
pedet
prout
I.

II. Hæc est illa Paupertas bonorum communione fulta, quam Christus in suo Apostolico collegio præjicit ut fundatum cœlestis perfectionis, quæ in caritate sita, amoris & concordiae vinculo invicem & cum DEO conjungit. Bonorum enim proprietas cupiditatem accendit, & veluti civis seditionis tumultus, iuria, & dissidia excitat, corda, animosq; sejungit, atq; in contrarias abstrahit factiones. Communitas autem, cum omnem auferat proprietatem, radicem quoq; contentionum, rixarum, & dissidionum revellit, & Cœlestium Bonorum communione inducit. Connexa enim hæc duo sunt. *Imo erat cor unum, & anima una. 2dō: erat illis omnia communia.*

III. Paupertas generatim accepta plures excipit gradus: quorum alter dominium, & usum cuiusq; rei ceu propria excludit; alter dominium, & usum proprium respuit, capacitatem tamen ad dominium retinet; 3tius, qui nec dominium absolu-
tè abdicat, nec incapax dominij evadit,
sed

sed tantum nulla re tanquam propria utitur; *4tus* nec dominij nec usus privationem prodit sed eam dumtaxat bonorum mensuram admittit, quæ ad vitæ sustentationem necessaria est, & cetera omnia reiicit. Ad hos quatuor gradus omnes alij reducuntur. *Iium* paupertatis gradum nunc vovent Regulares. *3tium* nuncupant Scholares Societatis alios duos quisq; vovere potest.

IV. Theologi plurimi hanc exhibent paupertatis monasticæ definitionem. *Votum paupertatis*, est voluntaria bonorum temporalium abdicatio, per quam vovens ipsorum proprietate privatur. alij præssius ajunt. *Est abdicatio dominij*. quæ definitiones ad Metaphysicæ amissim exactæ paupertatem generatim acceptam describunt, secus, ut executioni demandandam. Duo in hoc voto isti distingvunt primum esse entiale vocant in abdicatione dominij situm. Alterum accidentale appellant, quod usum bonorum spectat. Hinc inferunt connexionem voti Paupertatis cum bonorum com-

munitate accidentalem esse, quod de pauperitate generatim accepta verum habet: num id ad Paupertatem monasticam explicandam sufficiat? mox dicam.

CAPUT 3tium.

*Regulares vorentes Paupertatem Evangelicam
vorent ipsam Bonorum communitatem.*

I. THEOLOGI & CANONISTÆ OMNES docent, Regulares vi præcepti Ecclesiastici graviter obligantis, Bonorum communitati astrictos esse, pulsis peculijs. quod autem hoc præceptum communitatis ipsam voti essentiam ingrediatur, vel extra divagetur, ad id quod caput disputationis est, perinde res se habet. Nam si. ve Regulares violent directe votum, dum peculium necessitate sublata retinent, sive præceptum, mortale Sacrilegium perpetrant: quare etiamsi falsum esset quod daturus sum, non propterea aliquid emolumenti inde perciperent Regulares, cum juxta omnes & Theologos, & Canonistas, præcepto gravissimo Ecclesiastico obser-

van-

II. Et ut id quod dicturus sum, evidentius pateat, ob oculos habeamus necessum est, paupertatis votum generatim acceptum, & ab omni circumstantia præcisum, plures excipere gradus, quorum Capite Superiore mentio facta est: nec unum præ alio in hac acceptance prodesse, nec communitatem includere, aut reijtere alterum non minus manifestum est, quodlibet nempe votum solenne materiam certam, & præfinitam sibi vendicare. Quibus Constitutis evinco quod proposui.

III. Regulares omnes Paupertatem DEO vovent, non incertam, non ad cuiusdam Metaphysicæ definitionis amissim exactam, quam aliqui sibi effinxerè; sed eam Paupertatem vovent, quæ in eorum Regulis determinata est. Hæc prima propositio ineluctabilis est Paupertas enim latitudinem, & gradus plurimos admittit, ut omnes fatentur, & re ipsa constat: ergo voventis intentione determinari debet. Hæc autem determinatio fieri à singulis Re-

Regularibus nequit, alioquin tot essent paupertatum genera, quot sunt voventes, & omnia confusa & perturbata essent. Quamobrem omnes Sacri Ordines suas Regulas habent, in quibus definita est Paupertas, quam omnes ejusdem Ordinis profiteri debent. atqui omnes Regulæ SS. Basilij, Augustini, Benedicti, Francisci, & omnium Sanctorum Patriarcharum pro materia voti Paupertatis determinant vitam communem. Ergo Regulares voventes Paupertatem vovent vitam communem nisi Propositio secunda vera sit, sponte cadere causa velim. Possem hoc transcribere omnium Regularum textus, quos brevitatis studio prætereo. Satis sit in transcursu indicare in omnibus præfatis Regulis similia haberi: *Sint vobis omnia communia*, ut legitis in aëtibus Apostolorum.

IV. Verum quamvis hæc argumentatio falsa esset, non propterea, ut dixi, licitum peculium fore Regularibus, cum juxta omnes tum Theologos, tum Cano-

nistas gravissimo præcepto Ecclesiastico vitam communē servare teneantur cuiusq; privati peculij expertem hinc Religiosus omnia sua tum præsentia, tum futura, sub Religionis dominio ponit, ea conditione & pacto ut Religio de ijs Bonis in communem omnium Religiosorum usum disponere, ut sibi expediens visum fuerit, quæat: & Religio vicissim eodem vinculo se obstringit victum, & vestitum, & omnia necessaria Religioso præstandi. Porro sicut in quolibet contractu una deficiente parte in suo explendo munere, deficiat quoq; altera necesse est: ita similiter si Religio incongrua victus & vestitus provisione desit officio suo, continuo in Religioso Professo jus oritur naturæ, quemlibet antecedens contractum, victum, & vestitum illum quem Religio tribuere deberet, comparandi. Hoc est totum quod in favorem Religiosorum, & peculij privati dici potest. Cæterum tam Religio, seu Superioris Religionum, quam Religiosi gravissimo præcepto obstringuntur redin.

dintegrande contractum, si fractum sit; vel
observare, si consistat, ut infra dicturus
sum.

CAPUT 4tum.

*Decreta Concilij Tridentini, & Constitutiones
summorum Pontificum urgent Regulares
ad exactam vitam communem, pulsis
privatis peculiis.*

i. PRætermisis antecedentium Concilio-
runi, & Pontificum Decretis, quæ
vitam communem Regularibus præcipi-
unt, rescribam dumtaxat ea quæ Triden-
tinum præcipit Sess. 25. c. i. Quoniam
non ignorat S. Synodus, quantum ex
monasterijs piè institutis, & rectè admi-
nististratis, in Ecclesia DEI splendoris,
atq; utilitatis oriatur, necessarium esse
censuit, quo faciliùs ac maturius, ubi
collapsa est, vetus & Regularis discipli-
na instauretur, & constantiùs, ubi con-
servata est, perseveret, PRÆCIPERE,
prout hoc Decreto PRÆCIPIT, ut o-

,, mnes Regulares, tam viri, quam Mul-
,, eres, ad Regulæ quam Professi sunt præ,
,, scriptum vitam instituant, & compo-
,, nant: atq; imprimis, quæ ad suæ Professio-
,, nis perfectionem, ut obedientiæ, Paupertatis,
,, & Castitatis, ac si quæ alia sunt alicujus
,, Regulæ & Ordinis peculiaria vota, &
,, PRÆCEPTA ad eorum respectivè essen-
,, tiam, NECNON AD COMMUNEM
,, VITAM, victum, & vestitum conservan-
,, da pertinentia, fideliter observent: O-
,, mnisq; cura & diligentia à Superioribus
,, adhibeatur tam in Capitulis generalibus,
,, & provincialibus, quam in eorum visi-
,, tationibus, quæ suis temporibus facere
,, non prætermittant, ut ab illis non rece-
,, datur, cum compertum sit, ab eis non
,, posse ea, quæ ad substantiam vita Regula-
,, ris pertinent, relaxari. Si enim illa quæ
,, bases sunt, & fundamenta totius Regula-
,, ris disciplinæ, exactè non fuerint ob-
,, servata, totum corruat ædificium, neces-
,, se est.

II. „ Rursus idem Concilium c. 2,
ad-

addit: Nemini igitur Regularium tam viro-
rum, quam Mulierum liceat bona immo-
bilis, vel mobilia, cujuscunq; qualitatis
fuerint, etiam quovis modo ab eis ac-
quisita tanquam propria, AUT ETI-
AM NOMINE CONVENTUS possi-
dere, vel TENERE; sed statim ea. Su-
periiori tradantur. Conventuiq; IN-
CORPORENTUR. Nec DEINCEPS
LICEAT Superioribus bona stabilia a-
licui Regulari concedere, etiam ad u-
sum fructum, vel USUM, ADMINI-
STRATIONEM, aut Commendam.
Administratio autem Bonorum Mona-
steriorum, seu Conventuum *ad solos Of-*
ficiales eorundem, ad nutum Superio-
rum amovibiles pertineat. Mobilium ve-
rò usum ita Superiores permittant, ut
eorum supellex statui paupertatis quam
professi sunt, conveniat: nihilq; super-
flui in ea sit: nihil etiam quod sit neces-
sarium, eis denegetur. Quot si quis a-
liter, quidquam teneredprehensus, aut
convictus fuerit, is biennio aetiva &

„ passiva voce privatus sit, atq; etiam jux-
„ ta suæ Regula, & Ordinis Constitutio-
„ nes puniatur.

III. Clemens VIII. confirmavit Tri-
dentini Decreta Constit: data Anno
„ 1590. in qua hæc præscribuntur. Imo:
„ quo Tridentini Concl Decreta de pauper-
„ tatis voto custodiendo fidelius observen-
„ tur; præcipitur. ut nullus ex Fratribus,
„ etiamsi Superior sit, Bona immobilia, vel
„ mobilia, aut pecuniam, proventus, census,
„ Elemosynas, sive ex Concionibus, sive ex
„ lectionibus, aut pro Missis tam in pro-
„ pria Ecclesia, quam ubicunq; celebran-
„ dis, alijsve ipsorum justo labore & cau-
„ sa, & quocumq; nomine acquisita, eti-
„ am si subsidia consanguineorum, aut pi-
„ orum largitiones, legata, aut donationes
„ fuerint, tanquam propria, aut etiam no-
„ mine Conveniens, possidere possit; sed ea
„ statim superiori tradantur, & incorpo-
„ rentur: atq; cum cæteris illis bonis re-
„ ditibus, pecunijs ac proventibus, con-
„ fundantur, quo communis inde victus, &

„ vestitus omnibus suppeditari possit. II.
„ Neq; Superioribus, quicumq; illi sint,
„ ullo pacto liceat eisdem Fratribus, aut
„ eorum alicui bona stabilia, etiam ad u-
„ sum, fructum, vel USUM, administratio-
„ nem, aut commendam etiam DEPOSITI,
„ aut CUSTODIAE nomine concedere.
„ III. eorum verò quæ ad necessitatem
„ concessa erunt, nullus quidquam possi-
„ deat, ut proprium, neq; ut proprio uta-
„ tur. IV. Qui in præmissorum aliquo
„ deliquerit, pænas nedum à Concilio
„ Trid: præscriptas, sed alias quippe mul-
„ to graviores Superiorum arbitrio impo-
„ nendas incurrat. V. NULLA quorum-
„ cunq; Superiorum DISPENSATIO,
„ NULLA LICENTIA quantum ad bo-
„ na immobilia, vel mobilia excusare possit,
„ quo minus culpa & pænæ ab ejusdem
„ Concilii Decretis impositæ, & ipso fa-
„eto incurrendæ obnoxij sint, ETIAM-
„ SI SUPERIORES ASSVERENT,
„ HUIUSMODI DISPENSATIONES,
„ aut LICENTIAS CONCEDERE

„ POSSET: QUIBUS EA IN RE FI-
„ DEM MINIME ADHIBERI VOLU-
„ MUS. VI. Fratrum vestitus, & supellex
„ cellarum ex communi pecunia compa-
„ retur, & omnino uniformis sit Fratrum,
„ & quorumcunq; Superiorum, Statuiq;
„ paupertatis quam professi sunt, conve-
„ niat. Nihil etiam quod alicui sit neces-
„ sarium, denegetur. VII. Quæcumq;
„ Fratrum vestes sive laneæ, sive lineæ, o-
„ mnisq; alia supellex in aliquem commo-
„ dum conventus locum deferantur: ibiq;
„ ab uno, vel duobus Fratribus huic mu-
„ neti deputatis diligenter custodiantur,
„ ut inde Superioris arbitrio, prout cuiq;
„ opus fuerit subministrari opportunè
„ possint. VIII. Omnes etiam Superiores,
„ quicumq; illi sint, eodem pane, eodem
„ vino, eodemq; obsonio, sive (ut ajunt)
„ pīctantia in communi mensa prima vel
„ secunda, nisi infirmitatis causa impediti
„ fuerint, vescantur: neq; singulare ali-
„ quid, quo privatim quisq; in cibum
„ mutatur,ullo modo offerri possit. Si quis

in

„ in ea re peccaverit, nihil ea die alimen-
„ percipiat, nisi pānem, & aquam. IX.
„ Superiores omnes etiam Generales, vel
„ qui redditus, aut præstationes particula-
„ res ratione officiorum habent, eorum
„ accepta, & expensa, in libro distincto
„ fideliter, & diligenter adnotari current;
„ neq; in alias usus, quam ratione Officij
„ sui necessarios, quidquam expendant.
„ Cum vero contigerit ipsos in aliquo
„ conventu commorari, eam pecuniæ
„ quantitatem in commune conferant ex
„ qua sibi, & ijs qui cum ipsis erunt, vi-
„ etus ad præscriptum Regulæ & Consti-
„ tutionum suppeditetur. X. Nullus ex
„ Superioribus locorum administrationem
„ Bonorum, aut aliarum rerum, dispensa-
„ tionemq; pecuniarum, & reddituum sui
„ Conventus, per seipsum habere, sive e-
„ xercere possit; sed universum id onus
„ tribus Fratribus ejusdem Conventus à
„ Generali ita demandetur, ut unus re-
„ rum, & Bonorum, reddituumq; colligen-
„ dorum, ac exigendorum curam habeat;

„ alter tanquam depositarius pecunias, ac
„ cætera ab illo collecta, exactè & fidel-
„ ter asservet; aliùs de pecuniis, & rebus
„ à Depositario acceptis Priori & Fra-
„ tribus, ac Conventui universo, de neces-
„ sarijs, mandante tamen ipso Priore, non
„ secundum proprium affectum, sed juxta
„ caritatis Regulam, veluti bonus dispen-
„ sator, provideat, officiorum, hujusmodi
„ confusione penitus interdicta. XI. Cæ-
„ terum hi tres tam impensi, quam acce-
„ pti, singulis mensibus Superiori locali,
„ adhibitis etiam duobus, vel tribus Fra-
„ tribus ejusdem Conventus, probatori-
„ bus, rerumq; usu peritis, rationem red-
„ dant. Deinde ipse met rursus præsentii-
„ bus Priore, & peritis prædictis, Gene-
„ rali cum advenerit. Deniq; ipse Gene-
„ ralis in quolibet proximo Capitulo Ge-
„ nerali, saltem coram tribus judicibus ab
„ ipso Capitulo ad hoc Constitutis, illo-
„ rum omnium, universamq; suæ admini-
„ strationis tam publicæ, quam privatæ,
„ rationem reddere teneatur; cuius etiam
exem-

„ exemplum Authenticum ex aëtis Capi-
 „ tuli describatur, ad hoc ut ad omne
 „ mandatum nostrum, vel Sedis Aposto-
 „ licæ transmitti possit. XII. In uno quoq;
 „ Conventu, Fratrum is tantum deinceps
 „ constituatur, & in posterum retineatur
 „ numerus, qui vel ex redditibus illius pro-
 „ prijs, vel ex communibus consuetis, vel
 „ etiam singulorum eleemosynis, aliisq;
 „ quibuscunq; obventionibus in commu-
 „ ne, ut præfertur, conferendis commodè
 „ possit sustentari. Reditus verò, & supra-
 „ dicta omnia in communi loco, ac tuto
 „ diligenter assertentur. XIII. Superiori-
 „ bus autem ne Concilij Trid: aut hæc no-
 „ stra declarare, interpretari, aut relaxare
 „ ullo modo possint, omnino interdicimus, &
 „ prohibemus, decernentes irritum Ec: Si quis
 „ autem contra præsumperit attentare, is
 „ eo ipso omni gradu, Officiq; privatus,
 „ & ad ea perpetuo inhabilis existat.

IV. Urbanus VIII. Confirmavit
 præfatam Clementis VIII. Constitutio-
 nem, ut habetur in Bullario Romano, Tom.

4. Pag. 63. & Paulus V. Gregorius XV.
Alexander VII. & Innocentius X. Con-
firmarunt Clementis, & Urbani Constitu-
tiones: Istorum Pontificum testimonia
prætereo ne sim longus.

V. Tandem Innocentius XII. &
Trid: Decreta, & Antecessorum Pontifi-
cum Constitutiones confirmavit, atq; ad-
versus falsa, & erronea commenta robo-
ravit, ac omnemq; tergiversandi & cavil-
landi radicem averroneavit. Decreta hæc
habentur in Bullario ejusdem Pontificis
Pag. 267. & seqq. Initium Decretorum
hoc est. Sanctissimus Ec. Ut regularis disci-
plina ad Religiosorum salutem, & totius Chri-
stiani populi ædificationem utilitatemq; sarta
reclæ custodiatur, ac vigeat, ac sicubi collapsa
est, adjuvante Domino, reparetur; constituit,
& declaravit, se licentiam recipendi Noviti-
os in singulis approbatis Ordinibus benignè
concessurum; dummodo tamen, quæ pro regu-
lari vita reclæ instituenda, tam à Sacrosancta
SINODO TRID: quam à prædecessoribus
Nostris Romanis Pontificibus, præcipue verd
fel:

fel: record: CLEMENTE VIII. in Decretis Generalibus pro Regularium reformatione, necnon INNOCENTIO X. & ALEXANDRO VII. pro Novitiorum receptione, & Professorum educatione, salubriter constituta sunt: quibus omnibus firmiter inheret Sanctitas sua. eaq[ue] quatenus opus sit CONFIRMAT, & renovat, (salvis tamen in hac parte singulorum Ordinum Statutis, seu alijs ordinationibus, ab Apostolica sede in FORMA SPECIFICA, post eadem decreta forsitan approbatis, aut editis) exactè, & inviolate serventur.

VI. Omissa fuerat in disciplina Apostolicomonastica illa periocha (salvis tamen in hac parte &c) Utpote non necessaria, tum quod non exactam communitem spectat, tum quod de approbatione in forma specifica sermo est, qua approbatione compertum est, nullas Regularium Constitutiones peculum permittentes post Clementem VIII. fuisse confirmatas. Hoc jamjam clarius patebit. Quæ sequuntur igitur causam dirimunt.

VII. Quocirca Sacra Congregatio ab eodem Sanctissimo Domino nostro, super disciplina regulari specialiter deputata --- demandato Sanctitatis sue presentis Decreti tenore denunciat omnium & singulorum ordinum Regularium Superioribus, tam generalibus, quam Provincialibus, quocunq; nomine nuncupentur, ceterisq; ad quos spectat, ut in una quaq; Provincia, per Italiam & Insulas adiacentes, quam primum deputent, aliquos Conventus, quos magis aptos censuerint, vel numerum saltem, ibiq; authoritate Apostolica statuant omnimodam observantiam Regule, & Constitutionum cuiusq; Ordinis, & Decretorum Apostolicorum, præcipue vero EXACTE VI, TÆ COMMUNIS. Postquam vero Regularem observantiam, & signanter quoad EXACTAM VITAM COMMUNEM CUM AFFECTU stabilitam fuisse, tam ex eorumdem Superiorum Generalium, seu Provincialium relatione, quam propositi, & Fratrum in praefatis Conventibus degentium, JURERANDO FIRMATO TESTIMONIO --- eidem Sacra Congregationis suffi-

sufficienter constiterit, tunc Sanctitas sua anterdictam licentiam, quam hactenus distulit, Novitios ibidem recipiendi benigne concedet. - - - -

Porro: ne Regularis disciplina, dum in Conventibus jam erectis statuitur, relaxetur in erigendis, & quod una ex parte constituitur, simul ex altera destruatur; Sacra Congregatio, Sanctitate sua similiter approbante, statuit, atque decrevit, nulla imposterum Monasteria; Collegia, Domos, Conventus, aut alia Religiosorum loca fundari, erigi, aut quovis modo institui, debere, nisi sub EXPRESSA OBLIGATIONE EXACTÆ VITÆ COMMUNIS ab omnibus Religiosis ibi commorantibus perpetuo, & inviolatè servanda, ac præterea nullas deinceps admittendas bujusmodi fundationes, nisi præter alia ad id requisita, prius legitimè constiterit, adesse annuos reditus, vel certam eleemosynarum spem, quibus duodecim saltem Religiosi in EXACTA VITA COMMUNI commodè valeant sustentari.

VIII. Perpendat nunc, quæ sequuntur

tur, qui contra me scribens ait *cute*, & de industria præteriisse supra indicata m periocham: *Salvis tamen &c.* perpendat, inquam, quæ sequuntur in Decreto Innocentiano.

IX. Non obstantibus circa premissa OMNIA & SINGULA Constitutionibus, & Ordinationibus, Apostolicis necnon quorumcunq; Ordinum STATUTIS, consuetudinibus, privilegijs, carterisq; contrarijs quibuscunq;

Ad extremum eadem Sacra Congregatio regulares omnes, cuiuscumq; Ordinis & instituti sint, SANCTITATIS suæ verbis serio admonet, & in Domino obtestatur, ut omni mora postposita, sicut filios obedientia decet, ad Regulæ quam amplexi sunt, prescriptum, vitam instituant, & componant, deeretisq; Apostolicis pro ÆTERNA illorum SALUTE editis, sincerè, fideliterq; pareant. Nec ab eorum obedientia inanibus interpretationibus, & fallacij aut RELAXIONUM PRÆTEXTIBUS, AD EXCUSANDAS EXCUSATIONES IN PECATIS adduci se sian.

uau. Sed Professionis suæ memores quæ se
totos DEI manciparunt, obsequio, suscepta
Christianæ perfectionis iter, arduum quidem,
sed divinæ caritatis dulcedine aspersum abje-
ctis terrenarum rerum curis, alacriter prose-
quantur.

X. Tandem ne prætextu silentij, &
tolerantiæ Sedis Apostolicæ quipiam ho-
nestare contrariam corruptelam posset,
sequens edidit idem summus Pontifex In-
nocentius XII. decretum insertum citato
Bullario pag. 309. cuius initium est Debi-
tum pastoralis Officiū, in quo hæc inter a-
lia habentur.

XI. Sicut non sine gravi animi nostræ
molestia, accepimus, tame si decretorum hu-
jusmodi observantia in plerisque Religiosorum
virorum Monasterijs, seu conventibus, prospere
rè ac feliciter introducta fuerit, atque ex inde
inibi uberior in dies electi Sanctorum operum
frumenti messis benedicente Domino exurgat;
non eisdem tamen alibi cælesti idem semen,
afferat fructus, neque enim cessavit, nec adhuc
cessat humani generis hostis in agro DEI su-

per

per seminare Zizania, quæ Patrisfamilias se-
mentem suffocant: hinc est quod nos propheti-
ci illius moniti memores: Clama, nè cesses,
quasi tuba exalta vocem tuam: ut constans
anixaq; voluntas nostra incepturn opus hujus-
modi peculiari studio, summaq; animi conten-
tione, prosequendi magis ac magis innotescat,
omnisq; TRANSGRESSORIBUS VA-
NO, FALSOQUE SILENTIJ NO-
STRI PRÆTEXTU, sese excusandi occa-
sio penitus præcidatur, motu proprio prædictam
Congregationem Cardinalium, & Prælatorum
super disciplina regulari, tenore præsentium
perpetuo approbamus, Ec. - - - ipsius autem
Congregationis à nobis sic confirmatae faculta-
ties istæ esse debeant, - - - designandi, ac
deputandi pro Noviciatibus, & Professuris Con-
ventus, Monasteria, Collegia, ac domus Ec.
- - - Decreta tum fel record: CLEMEN-
TIS Papæ VIII. Prædecessoris Nostri super
Reformatione Regularium - - - EXACTÆ
VITÆ COMMUNIS, observantiam pro-
movendi, atq; ad hunc effectum dumtaxat no-
vas quorundamq; Conventuum, Monasterio-
rum

rum, Collegiorum, & domorum hujusmodi fundationes diligenter examinandi, ne ulla scilicet in posterum Religiosorum virorum loca fundari, erigi, aut quovis modo institui contingat, nisi in quibus eadem VITÆ COMMUNIS juxta ultimum dictorum Decretorum prescriptum perpetuo & exakte servari valeat Ec.

Non obstantibus Eccl: quorumvis Ordinum Congregationum, Societatum, & Institutorum, alijsq; quibusvis etiam juramento firmatis, CONFIRMATIONEQUE APOSTOLICA, vel quavis firmitate alio roboratis Statutis, & consuetudinibus, privilegijs quoq; indultis, & litteris Apostolicis eiusdem Ordinibus, Congregationibus, Societatibus, & Institutis, illorumq; Superioribus, & personis, ac alijs quibusvis sub quibuscumq; verborum tenoribus, & formis, ac cum quibusvis etiam, derogatoriis derogatorijs, alijsq; efficacioribus, efficacissimis, & insolitis clausulis irritantibus, ac alijs Decretis in genere, vel in specie, vel alijs quomodolibet in contrarium concessis, confirmatis, & innovatis Ec.

XII. Tandem Innocentius XII. Congregationem peculiarem instituit quæ juramentum exactæ communitatis servandæ præstandum à Regularibus recipiat, antequam facultatem impertiat admittendi ad Religionem. Opere pretium existimo subjecere istius formam juramenti. Est autem tenoris sequentis:

Exemplar formulæ quod iurant Regulares servandæ exactæ communitatis.

Nos infra scripti fidem facimus, & in VERBO VERITATIS testamur, quod in hoc Conventu N. stabilita est PERFECTA BONORUM COMMUNITAS & omnia bona fratrum particularium, tum quoad OMNES PECUNIAS, tum quoad vestes & alia, sive sint census vitality, sive eleemosyna, ex prædicationibus, sive undequaque provenientia, OMNIA SINT CONFUSA, cum Bonis & redditibus Conventus, & ipsis in corporata juxta Decreta Sanctæ memoriae CLEMENTIS VIII. & INNOCENTIJ XIII.

&

Sacra Congregationis Disciplina, ita ut ex ipsis omnibus & qualiter provideatur, tam tempore sanitatis, quam infirmitatis. Et est stabilita Vestiaria Communis, in qua repositae sunt omnium fratrum vestes, ac omnia quæ ad communem usum sunt: ex qua Vestiaria omnibus & qualiter providetur juxta uniuscujusque fratri indigentiam. In hoc etiam Conventu ultra Bonorum supradictorum perfectam communitatem, viget Regularis observantia secundum rigorem Constitutionum nostrarum. Et Novitij in hoc Conventu Religiosè enutriuntur, Educantur in omnibus exercitijs ad statum Religionibus nostræ spectantibus, & tam de die, quam de nocte probantur. Quare humiliter supplicant infrascripti, cum JURAMENTO, omnia supradicta affirmantes, Sacra Congregationi Discipline regularis, pro licentia recipiendi juvenes ad habitum. Actum die

Ec. Ec. Ec.

XIII. Hoc est juramentum quod Sacrae Congregationi super Disciplina Regulari exhibent Regularium Superiores quo biennio, aut triennio, ut facultatem

re-

recipiendi Juvenes ad habitum Religionis ab eadem Sacra Congregatione obtineant. Hypothesim formemus, in qua Romana Sedes possit, & velit præcipere vitam communem, omni privato peculio vacuam. In hac hypothesi possetne clarioribus verbis, luculentioribns, & urgentioribus clausulis uti præ jis, quas adhibuit in rescriptis decretis? Quo ergo se recipient oppositum opinantes? Invenire ne possunt ipsi aut expressiones luculentiores, aut formulas efficaciores, præcipiendi aut exactæ communitatis observantiam? Negabunt ne Romanæ Ecclesiæ potestatem præcipiendi perfectam rerum communitem? Nulla hic ad effugium rima patet.

CAPUT V.

*Communitate sublata, nec votum obedientia,
nec Regularis discipline observantia
consistere diu valent.*

Violatio paupertatis: est scopulus ad
quem facillime impingunt viri clan-

stra.

strales. Hinc tam antiquæ, quām posteriores Religiones passæ sunt plus & minus relaxationem. Nihilominus Sacrorum Ordinum Institutores non modo hanc paupertatem exacta vita communi circumscriptam non mitigarunt, sed fortioribus præsidijis munierunt. Ordines Mendicantes videntes collapsam disciplinam monasticam ob redundantes divitias, rejecerunt divitias, & redditus etiam in communi possidendos, & mendicato vivere statuerunt. His successere Clerici Regulares, qui collapsam Mendicantium disciplinam spectantes, ne huic vicissitudini obnoxij & ipsi essent, paupertatem adeò severam præscripsere, ut alij nec pro Missarum cœlebratione oblationes recipere, alij nec petere eleemosynas statuerint. Cur hoc? Paupertatis Consilium liberum est. Divitias possidere nihil absolutè mali præfert. Sacrorum Ordinum Patriarchæ tot sacerdorum experimento didicere istius vitæ communis observantiam difficultimam esse, & facillimè à voventibus violari. Illorum

rum caritatis erat; hanc temperare paupertatem, peculia, & census vitalitios permettere, ut hac via occasiones peccandi à subditis suis removerent. Quando enim lex de re libera & innoxia, difficile à subditis servatur, sapientis legislatoris est, aut eamdem tollere, aut eam temperare, & communi usui accommodare.

II. Contra, Omnes ad unum Pátriarchæ non modo paupertatis legem non relaxarunt, sed severius eam roborarunt, & novis præfidijs munierunt. Cur nemo SS. Patriarcharum peculia, & redditus privatis Religiosis concesserunt? Cur illa severissimè prohibuere omnes nullo excepto? opponant mihi vel unum Patriarcham qui peculia, & redditus privatos concesserit; & fasces illis submittere, atq; vitoriam canere volo.

III. Quid ergo causa est, cur omnes Sancti Patriarchæ huc conspirarunt, ut unanimi consensu, hoc paupertatis, votum restringerent, arctarent, atq; omni excogitabili modo firmarent? Quia sublata

com.

communis vitæ paupertate, concidat exa-
Etæ obedientiæ votum, & disciplinæ re-
gularis observantia necesse est. Siquidem
Professio vitæ Regularis ad paupertatem
quod attinet, contractus mutuus est, ut in-
dicavi, vi cujus subditi omnia bona &
præsentia, & futura, solenni ritu Religio-
ni cedunt; Religio vicissim eodem Sacro
vinculo se astringit alendi, vestiendiq;
subditos tum sanos, tum infirmos. Si Re-
ligionum Prælati oppignoratam fidem
non solvunt, subditis omnia necessaria mi-
nistrantes, necessario consequitur, subdi-
tos obedientiæ vinculo solutos esse, quan-
tum ad comparanda ea quæ pro viœ &
vestitu necessaria sunt. Ergo sublata com-
munitate, obedientiæ votum, atq; adeo i-
psa disciplina Regularis corruit.

IV. Industriæ, labores, media quæ
subditi adhibent ut peculium acquirant,
sæpiissimè Religioni non congruunt. Si
Prælati impedire ea pertentant, subditi jus
naturæ opponunt sibi prospiciendi in vi-
œ & vestitu à Prælatis non collato.

Quandoquidem in claustris, à quibus exultat perfecta communitas, pro vestibus aliqua summa traditur, alibi major, alibi minor, quæ pro integro non sufficit. Cellarum supellex integra saltem non datur; Pro itineribus, pro epistolis aut parum, aut nihil. Pro infirmitate curanda quedam, ut in hospitali, porriguntur; & qui non habent unde sibi subveniant, miserri-mè langvent. Qui verò abundant, absit infirmis fratribus quidquam tribuant. Hinc alij in penuria summa decedunt, alij morientes plurimam pecuniam relinquunt; Quibus auxilijs compararunt ingentia peculia?

V. Fac Prælatos prohibere sub solitis ineptis ne conciones habeant, quia ea morum probitate non sunt præcliti, quæ requiritur ut extra claustra Christianis exemplo sint, ne Monialium Confessiones audiant, ne se negotijs terrenis immisceant, ne patrecinia ambient, ne vagentur per Civitates; continuo in clamant subditi; si hæc lucra amittimus, quis nobis vestes

stes, quis epistolarum, itinerum, infirmatum, expensas solvet? Quis chocolate, quis tabaccum, quis tot alia aut necessaria, aut congrua porriget? Census vitalitij aut exigui, aut nulli sunt &c: communi patrimonio nobis non providetur: ergo naturæ jure, quod omne votum antecedit, hæc nobis comparare justè possumus. Quid hinc? Literarum rudes, morum integritate, vel prudentia destituti è claustris exēunt, concionantur imperiti, Confessiones audiunt indocti, negotia tractant inepti. Illi favores & patrocinia aucupantur; isti præfecturas & officia ambiant. Si Prælati intercidere velint, subditi opponunt, ut dixi, jus naturæ.

VI Mala, scandala, disciplinæ relatio, & alia absurdæ, quæ hinc profici scuntur, nolo meis verbis exprimere. Dionysius Carthusius de Refor: Claustr: C. 16. hæc scribit. *Ex peculio tanquam ex venenosa radice multa peccata proveniunt, ut puta contumacia, superbia, contentio, partialitas, avaritia, vanagloria, invidia, mendacium*

Luxuria. Quoniam abundantes in peculio ad resistendum suis Superioribus sunt audaces, nec disciplinam, & correptionem patienter suscipiunt, partialitates efficiunt, & interdum commissationibus, & ebrietatibus vacant, ex quibus ad vitia carnis labuntur, & votum suum de Castitate servanda sceleratissime frangunt. Quid si nos hac scribendi libertate uteremur? Similia, & graviora absurdia ex peculio manantia describunt Trithemius, Nyder, S. Antonius, Cajetanus, & communiter Theologi. En rationum momenta cur SS. Patriarchæ etiam ultimæ ætatis pecculio bellum indixere. Alias austeritates, ut jejunia, vestitum asperum, & plura alia pænitentiæ exercitia aut linierunt, aut sustulerunt. Communitatem vero bonorum, licet agnovissent fuisse lapidem offensionis ad quem plures impegerunt, non modo non liniere sed, ut dixi, Severius illam præceperunt: quia hac exata bonorum communitate sublata, corrut universa disciplina monastica oportet.

CAPUT VI.

*Quam hostiliter pugnant cum roto paupertatis
monasticæ census vitalityj. Excusationes
& sophysmata quibus incrustari
peculiorum corruptela solet.*

I. **D**ivitiae & paupertas evangelica non minus opponuntur quam castitas, & luxuria. Quare Christus dixit: *Si vis perfectus esse, vade, vende qua babes & da pauperibus.* Vendere, & retinere non ne invicem hostiliter pugnant? nonne hæc duos vendere omnia, ut omnes Patres interpretantur, & ipsum Evangelium clarè & perspicuè edisserit: & retinere aliqua, Chymæram monstrosam constituunt? & tamen Chynæra hæc familiaris est. Antequam professionem juvenes edant, census vitalitios sibi reservant ditiores, aut minores, prout domesticum patrimonium permittit.

II. Reponunt: se reservare hos redditus non sibi, sed Religioni. Religio enim absolutum dominium horum edituum

habet; Religiosi verò purum merumq; u-
sum facti ex licentia, & facultate Superi-
orum. Dominium autem, non merus usus
facti cum paupertatis, voto pugnat. Rectè
& venustè. Quid appetitiones nostras ex-
plet, & saturat, dominium, an usus? Do-
minium absolutè sterile est, & unicè ap-
petitur propter usum. Si separe ab usu
dominium, hoc futile, & vanum evadit.
Ego facillime tibi perfectissimum dominii
concederem, dummodo usum pecuni-
arum semper Religio haberet? Quid tibi
dominium hoc in casu prodesset? si mari-
tus dominium, alter usum haberet uxoris,
isne castitatem servaret? Maritus cum suo
dominio continens esset & castus, alter
cum suo solo usu facti venerem expleret.

III. Insistunt: Superior ad nutum re-
vocare hunc usum valet. Peregegie. At
nunquam revocat, ut experientia constat.
Si revocare ad nutum Superiores peculij
privati usum valent, cur reipsa non revo-
cant? Cur communitatem exactam non
invchunt? Cur Regulis, & tot Concilio-
rum

rum, & Summorum Pontificum decretis
non parent? Responsum pressum & per-
spicuum exhibito.

CAPUT VII.

*De ludis Regularium, & alijs quæ cum voto
paupertatis pugnant.*

I. QUÆSITUM I. Licitò ne sunt Regula-
ribus ludi alearum & sortis? RESP:
Ludis, qui in jocoso sermone, factisq; lu-
dricis fistunt, ut qui corpus exercent,
quiq; ad spiritum exhilarandum, viresq;
instaurandas directi sunt, indulgere Reli-
giosos posse, omnes cum S. Thoma 2. 2.
q. 168. a. 2. Concedunt.

II. Contra Theologi, & Regulæ o-
mnes à Sede Apostolica approbatæ ludos
alearum severissime Religiosis voto pau-
pertatis devinetis prohibent. Nomine aleæ
omnes ludi fortuiti intelliguntur. Quid
quod ludi isti ipsis Christianis omnibus
vetiti sunt; imò omnes ethnici Philo-
phi ludos ejusmodi execrati sunt ut Tom.
7. Theologiæ Christianæ palam feci.

Constitutiones O. P. ad carceris pænam
damnant Fratres, qui inventi fuerint ad ta-
xillos *lufisse*, non secus ac reos carnis, fur-
tiq;. Ludus fortuitus solius avaritiæ, &
desiderij ditescendi fructus est. Quid ma-
gis evangelicæ paupertati adversum, quam
desiderium hoc divitias augendi.

III. QUÆSITUM II. An paupertatis
voto repugnet, quod Regulares habeant instru-
menta argentea, ut cochlearia, cultrum, furni-
culam, arculam pro tobacco, horologia, idq; ge-
bus similia? RESP: Hæc omnia Solenni
paupertatis voto opponuntur, statumq;
disciplinæ monasticæ evertunt. Paupertas
enim & auri, argentiq; pretiositas directè
pugnant. Comperta hæc sunt natura sua.
Omnes Regulæ monasticæ usum auri ar-
gentiq; in ejusmodi instrumentis prohibi-
tent. Constit: O. P. dist: I. C. 10. hæc
præscribunt. Nullus Frater aut Soror Ordini-
nis Nostri, cujuscunq; gradus (NB.) aut con-
ditionis, existat, nisi debet cochlearibus, &
instrumentis aureis vel argenteis, aut etiam
ex lapidibus prætiosis, sive in mensa, sive in
cin-

cingulis, sive in cappis, cultris, vel eorum va-
gines, sive in quocumq; alio genere rerum u-
tensilium. Qui autem transgressores reperti
fuerint, ijsdem instrumentis omnino punitur;
¶ illa communitati applicentur, ¶ GRAVI-
TER præterea transgressores puniantur. Gra-
vis punitio gravem culpam supponit.
Nec opponas, Constitutiones istas ad
culpam non obligare. Utiq; ad culpam
non obligant quæ extra vota sunt. At re-
scripta Constitutio votum paupertatis ex-
ponit. Votum autem illud ad culpam, &
quidem gravem astringit. Usum ergo a-
ded communem damnare audeamus. Non e-
go, sed disciplina Regularis, sed vota, quæ
distinxerunt labia tua DEO, præfata o-
mnia detestantur. At Religiosi docti,

& probi, his utuntur instrumentis?
Quid inde? isti gravius peccant,
quia sua doctrina & probitate
gravius scandalum Cæteris
pusillis ingerunt.

CAPUT VIII.

Quām gravis sit Prælatorum obligatio inveniēndæ communitat̄is. Quid agere debeant Regulares degentes in Clauſtris, ubi pulsa vita communi peculia ſer- punt. Et an iuvenes ſuſcipere babitum Religiosum in his locis licetē queant?

I. **Q**UÆSITUM I. Sunt ne in continuo ſtatutu peccati mortalis Superiores Regulare, qui ſincero animo, & totis viribus non conantur inſtaurare vitam communem ubi col- lapsa eſt? RESP: Affirmant omnes Patres, omnes Regulæ Monachales, Concilia o- mnia, & tandem ex adductis Constitutio- nibus pontificiis id luculentissimum eſt. Si ratiociniis meis, quantumvis validiſſi- mis id confirmarem, rigorismi, & infama- toris censuram non declinarem. Quare in- medium adducam quæ non modo viri Sancti, sed alij non tantæ existimationis Theologi docent.

II. Divus Antoninus (z. p. tit 16.

Cap. 1.) Satis credo quod qui se reperiunt in Monasterijs, ubi non vivitur in communi, si Prælati sunt, & non faciunt quantum est eis possibile sine notabili scandalo ut vivatur in communi, eos non esse in statu tuto.

III. Joannes Exuria (in trac: de refor: p. 3. a. 2.) omnes Prælati tam maiores, quam minores, singuli videlicet respectivè pro sui dignitate, officio, commissione, aut facultate, de debito justitiae tenentur subditos suos Religiosos deformatè viventes, ad vitæ Regularis observantiam reformare. De ipsis enim manibus sanguis subditorum requiritur.

IV. Sylvester (verb. Relig. 6. § 7.) Si Prælatus non facit quantum potest sine magno scandalo, ut vivatur in communi, non est in tuto statu arg. dist. 83.)

V. Ludovicus Lopez de Texeda (lib. 2. trat. 2. Cont. 7. dub. 2. n. 24.) addo, Religionum Prælatos ex meritis Officij teneri debitam adhibere diligentiam ut Religiosi subditi vitam transigant in communi, & i-

deo tenentur valde esse solliciti de necessarīs
illis conferendis, pro viētu, & vestitu. Quare
si illa non tribuant, cum commode possint, pec-
cant mortaliter, & sunt indigni Prælatorum
officio, & debent deponi: quia tribuunt ansam
Religiosis ut peculia querant, & votum lauda-
bile paupertatis infringant.

VI. Thomas Sanchez (in Dec. lib.
7. C. 19. n. 27.) Tertio deducitur, non esse
in bono statu Prælatum, qui in quantum potest
absq; gravi scandalo, non nititur Religiosos vi-
vere in communi, ac superfluos usus vitare.

VII. Valentia (2. 2. disp. 2. q. 4.
a. 4.) Quarto sequitur esse in malo statu,
tam Prælatos, quam subditos, qui non agunt
vitam communem, quando ex redditibus com-
munibus possunt sufficienter vivere.

VIII. Franciscus-Pellizarius (trac.
de Monial. c. 4. Sect. q. 4.) Colligitur ex
Sanchez afferente cum S. Antonino & Sylve-
stro, quod sicut Prælatus Regularium non est
in bono statu, si quantum potest absq; gravi
scandalo, non nititur, in communi Religiosos
vivere; ac superfluos usus vitare; sic nec sunt

in bono statu subditi resistentes, non quod nequeant sufficienter vivere, sed quod velint abundare, & liberius disponere. Hoc enim adversatur voto Paupertatis.

IX. Joannes Baptista Lezana (quæst: Reg. Cap. 18. n. 14.) Prælati qui in quantum possunt, non curant suos subditos vivere vita communi absq; peculio, aut proprio, & superfluos usus vitare, non sunt in bono statu conscientia. Ratio est: quia votum paupertatis id requirit, summiq; Pontifices, & Concilia id præcipiunt.

X. Gabriel à S. Vincentio (de Just: & Jur. disp. 3. q. 10. n. 132.) Superior peccat graviter non providendo subditis de necessarijs, tum quia præbet occasionem relaxacionis Religionis dando occasionem introducendi peculium, tum quia privat subditos jure quod habet ad bona Monasterij.

XI. Thomas à IESU (specul. Relig. par. 4. Cap. 2.) Concludo Prælatum mortaliter peccare, qui non curat, ut communis vita ratio in monasterijs servetur. Idem esto iudicium de eo, qui communem vitam jam la-

ætam, quantum in se est, ad pristinam obseruantiam non conatur reducere, quin etiam ipsi subditi, qui Prælatis vitam communem restaurare volentibus contradicunt, eadem culpa mulcentur. Primi: contrariantur ipso factò Decretis Conciliorum, & Pontificum, à quibus bujus vita obseruantia distillè precipiturn. Secundo: quia ubi vita communis non obseratur; Monachi variis animæ periculis circa transgressionem voti paupertatis exponuntur. Tertio: quia communis vita obseruantiam Prælati reformare negligentes contraveniunt justitiæ legali, quia ex officio tenentur bono communi consulere. Insuper dispensatione sibi commissa abutuntur, & peccant contra fidelitatem, & sepe contra justitiam distributivam.

XII. Servatius Lainvelz gravissimus unaq; piissimus auctor in sua optica Regular: (Spec. 12.) Certum mihi est, esse in continuo peccato mortali eos Prælatos, qui quantum possunt, sua Monasteria non reformat, quiq; ad vitam communem Religiosos suos, quantum possunt, non reducunt.

XIII. QUÆST. II. An subditi Regu-

lares resistentes introductioni vite communis,
pulsis peculiis, sint in statu peccati mortalis?
RESP: Ex ijs quæ dicta sunt, patet evi-
denter resolutio, propositæ quæstionis.
Nihilominus in majorem confirmationem,
quæ docent & citati, & alij auctores, sub-
iijciam.

XIV. D. Antoninus (3. p. tit. 16.
c. 1.) si subditi sunt, & resistunt huic bono
dum attentatur, non quia non possunt vivere
sufficienter, sed quia volunt abundare, &
suis suo modo facere, videntur esse in malo
statu, cum seculariter vivant, & velint in ma-
lo statu perseverare.

XV. Cardinalis de Turre Cremata
in Regulam D. Benedicti (Tract. 94.)
Gravissime peccant, qui reformatio ni hujus-
modi abusuum temere resistunt in Monasterijs,
& se, & alios defendunt, ne ab hujusmodi la-
be purgentur.

XVI. Sylvester (v. Rel. 6. §. 7.)
Subditi vero dictæ communitati resistentes, non
quia non possunt sufficienter vivere, sed quia
volunt abundare, videntur esse in malo statu.

XVII.

XVII. Thomas Sanchez (lib. 7. Cap. 22. n. 27.) Similiter peccant mortali-
ter subditi dantes peculij causam, resistendo
vita communis, cum illis necessaria ministren-
tur, & similiter graviter murmurando, & ma-
gis querelas fundendo.

XVIII. Lezana (quæst. regul. Cap. 6. n. 60.) Addendum tamen est, & valde
notandum, Religiosos paratos esse debere ad
recipiendam reformationem, & introductionem
vitæ communis, si à Prælatis denovo institua-
retur, seu restauretur, nec posse ullò modo resi-
stere sub gravissimo peccato mortali. Ratio est
quia cum vita communis obliget sub peccato
mortali omnes. Religiosos, ab illa excusari non
possunt, nisi quia Prælati Monasteriorum non
provident illis de necessarijs ad viatum unde
constando prædictis necessitatibus, sufficienter
providendum fore, nulla remanebit ratio ex-
cusationis. Et bac est communis ratio Theo-
logo?

XIX. Thomas à IESU (Specul. Re-
lig. p. 4. C. 2.) Graviter peccare dixi, quia
volunt reformationi vita communis acquiesce-

re, nempe propter grave damnum emergens ex eorum contradictione.

XX. Franciscus Lopez (lib. 2. tract. 2. controv. 7. dub. 7 n 24.) Religiosi autem tenentur ex merito sua Professio-
nis & status de communi vivere, & contenti
esse his, quæ à communi ministrantur.

XXI. Angelus Pistachius Castelli
(tr. 4. de voto pauper C. 4. n. 5.) Sub-
diti resistentes vita communi, peccant morta-
liter.

XXII. Alieferra (Orig: Monast: lib.
I. C. 15.) Monachi compelli possunt ad refor-
mationem juxta præscriptum Regulae quem pro-
fessi sunt. Nec tueri se possunt in observan-
tia longi temporis, quia contra ea quæ sunt de
substantia vita regularis, nulla est præscriptio
temporis, neq; dispensatio.

XXIII. Emanuel Rodericus (Tom.
2. q. 53. art. 3.) ubi relato Tridentini de-
creto) §. 25. Cap. 2. (hæc infert. Ex qua
decretali colliges, quod Religiosi debent, &
tenentur reformare seipso ad præscriptum Re-
gula quam professi sunt. & art. 4. Peccant

Superiores negligentes instruere, seu reformare, & magis contravenientes reformare volentibus, & etiam singulares impedientes ea, quae contraveniunt menti, & verbis Conciliy, quod est peccatum.

XXIV. Caramuel in Reg. D. Benedicti n. 630. Qui vota emisit in Monasterio irregulari, hoc est, ubi contra Regulam abusus irrepererunt, tenetur reformationi subiacere, & obedire Antistiti abusus illegitimos eliminantii. Sic loquitur Caramael, & in hac controversia adeò sibi constat, ut in Theolog. Regul. n. 631. hæc scribat. Quam periculose se fallant, qui existimant ex vi voti non teneri ad vitam communem, eò quod tempore sua Professionis non servabatur in Monasterio.

XXV. Ultimi loco adduco Capitulum Ordinis Præmonstratensis, sub doctissimo Joanne de Paigè celebratum, quodve insertum habetur in Bibliotheca Præmonstratensi (lib. 5 pag. 1019.) Reverendus Dominus Abbas Religiosos suos ad vitam communem reducat, revocet & --- &

ne quis sibi in hoc blandiatur, ¶ Superiorum
obtrudat licentiam, audiat Jnnoc. III. in Cap.
cum ad Monasterium: Nec existimet Abbas,
quod super habenda proprietate possit cum ali-
quo Monacho dispensare - - - ¶ Concilium
Trid: Sess: 25. in Decreto de Regularibus Ec.
Quo sit ut sint in malo statu, labanturq; tur-
pitcr tam Prælati, quam subditi Religiosi, per
quos stat, quo minus omnes in Monasterio vi-
tam communem ducant. Quid plura? Vix
vel unicum alicujus nominis Theologum
reperire licet, qui oppositum doceret.

XXVI. Ex his omnibus hoc pæcio
concludo. Juxta commune Theologorum
placitum; Prælati Regularium sub gravis-
simo peccato mortali tenentur pro viri-
bus vitam communem peculio vacuam in-
vehere. Hæc prima propositio certissima
est. Secunda. Omnes subditi ex lege ad
peccatum mortale obligante tenentur ani-
mo parati esse ad vitam communem pe-
culij expertem suscipiendam, ut commu-
niter omnes vel benigniores docent. Er-
go alterutrum necessario consequitur. Aut

Præ-

Prælati in extremo damnationis periculo versantur, propter ea, quod præceptum gravissimum introducendæ vitæ communis pro viribus implere non conantur; aut subditi sunt veri proprietarij, quod Prælatis suis invehere bonorum communitatem satagentibus resistunt, vel contumacem obſistendi voluntatem produnt, ob cuius repugnantiae scandalum vitandum, Prælati ab implendo officio suo desistunt. Nullus hic tergiversandi locus superest, si plura cupis lege Discipl. Apost. Monast. Diss.

3. c. 4.

XXVII. QUÆSTIO III. Quomodo se gerere debeant Regulares, qui in ijs Conventibus commorantur, ubi sublata vita communis, peculiorum pestis serpit, ut propriæ consulant saluti? RESP. Rationem propriæ conscientiæ dirigendæ & peculij habendi vix ego designare valeo. Rescribam quæ celeberrimus Joannes de Turra Cremata Card. in commentarijs in Reg. S. Bened. Cap. 94. docet his verbis.

XXVIII. Gravissime peccant, qui refor-

formationi hujusmodi abusuum temere resistunt, & se, & alios defendunt, ne à tali labore purgentur. Ratio est: Quia isti sunt formaliter contemnentes remedia sua salutis. & tale peccatum est in Spiritum Sanctum. Unde illi qui vivunt in Monasterijs deformati, quintuplicis sunt generis. Quidam enim dolenti & amaro sunt animo, quod non vivunt in observantia, ex animo tamen aspirant ad reformationem. Alij sunt, qui nolunt aliter vivere, & sic ut sunt malunt manere, nollent tamen Superioribus resistere, si vellent reformatre. Tertij sunt, qui positive sic vivere sub deformatione volunt, ut omni reformationi pertinaciter resistant. Quarti inveniuntur neutrales, in omnem partem incurij de modo vel sic, vel aliter vivendi. Quinti sunt, qui apparent bona voluntatis, & se reformare intendunt; sed aut quadam animi fragilitate, aut quia nullum modum consentaneum reformatio- nis sibi intendunt, differunt, & semper induci- as captant.

Inter hos omnes Religiosos secundi & tertij generis, qui deliberate reformari nolunt,

se

sive resistant, sive non, si sic usq; ad finem persistant, in statu sunt damnationis. De quarti generis Religiosis dicitur, quod sunt sub periculo salutis, eò quod in Schola Religionis, non proficiunt, nec ad perfectionem tendunt pro sui status exigentia, & incuri sunt sua salutis. De quinti generis Religiosis, apparet periculum sua salutis, propter tepiditatem affectus, & quia discrimini se exponunt, & puillos scandalizant.

Religiosi primi generis, qui vivunt in locis deformati, ubi Regula non servatur, cum proposito se reformandi, si valerent, ut securius vivant, & tutius saluti sua consulant, hac omnia facere tenentur.

1. Laborare pro alio Conventu, ubi regulariter vivere possint, & illuc se transferre, nisi forsan spem haberent. Satis certam proprij loci reformandi ex eorum praesentia.

2. Si locum reformatum habere non poterunt ut aliqua digna causa cum omiserint super hoc doleant, & pro reformatione inducenda, semper quod in se est, faciant.

3. Non seculariter vivant; Bona con-

cess
sum
per
mn
rerr
end

occ
vot
sari
tuna
Plu
ria
Hi

pri
jeju
Tan
requ
Reli

gere
gion
confi

st ju

ces

cessa nonnisi cum licentia Superioris, & in usum necessarium disponant, cum proposito semper resignandi ad placitum Superioris, imo omnne superfluum illi dando, aut potius ab alio rerum provisionem sine usu pecuniaris recipiendo.

XXIX. Quisq; astringitur declinare occasionem proximam violandi proprium votum; Quando autem occasio est necessaria, tunc adhibenda sunt remedia opportuna, ad evitandam legis transgressionem; Plurimis occasio habendi peculij necessaria est, cum isti removere illam nequeant. Hi ergo, ut sibi consulant, regulam propriam in victu & vestitu, abstinentiam, jejunia, & vestium asperitatem servent. Tantum peculij illis licitum est, quantum requiritur pro ijs rebus comparandis, quas Religio subministraret, si in ea exacta vigeret communitas. Quod superest, Religioni tradant cum cæteris bonis Cænobij confundendum.

XXX. QUÆSTIO IV. Licitum ne
st juvenibus suscipere habitum Religionis, &
pro-

profiteri in ijs Claustris, ubi non servatus non
communitas rerum, & alia præcipua Regulae no[n]
RESP: Negant communiter, omnes gra-
viores Theologi, S. Antoninus 3. p. tit. Reg.
16. C. 2. inquit: Et ubi quis ex ignorantia, Fag.
vel errore intenderet illam (Religionem) in-
gredi, in qua non bene vivitur, crudelitas na,
effet non reddere illum cautum, & à proposito ligio
suo revocare. Ut istius crudelitatis crimen
declinarem, monere hac de re lectores Gra-
volui.

XXXI. Cardinalis Cajetanus, 22
q. 189 a 9. hæc scribit: actus iste qui est Insti-
inducere ad vitam Conventualem, est actus exigio
generi suo malus, quoniam inducitur quis a scipli-
vitam reprehensibilem; Omnis autem vita re-
prehensibilis mala est. - - - Unde vitupera Cap.
bile est, non solum inducere, sed etiam ingroteri-
di; & recipere ad vitam irregularē Personā-
nas. utrinque sexus, quamvis hoc toleret pe-
missivè. Verū Ecclesia post obitum Cra-
jetani nullum non movit lapidem, ut impedi-
pediret receptionem juvenum, ubi ex adoratore
vita communis, & observantia Regularis
non

ervatur non vigent, ut ex Clemente VIII. & In-
Regulae nocentio XII. supra vidimus. Cajetani
es gra sententiam confirmat, in 2. p. lib. 3. de
. p. tit. Reg. can. Cum virum num. 48. Prosper
orantia, Fagnanus. Martinus Navarrus. p. 2. De-
m) in cret. C. 12. n. 45. citata Cajetani doctri-
udelita na, concludit. Qui alteri swadet ingredi Re-
roposito ligionem adeò laxatam, qualem modo dicemus.
crimen. C ubi Regula perperam ob servatur, peccat.
ectores Graviora docent Nazarius, Nyder, & cæ-
teri communiter.

as, 22 XXXII. Ludovicus Lopez in suo
qui est Instr. Conf. C. 43. docet: Inducere ad Re-
actus eligionem. vel ingredi ad eam, ubi male ob di-
quis asciplinam Regularem vivitur, peccatum esse.

vita re XXXIII. Sanchez lib. 4. in Decal.
uituper Cap. 16. n. 14. inquit. Illicitum est Monaz-
m ingresterium illud ita collapsum. nec proximè refor-
m Persuandum ingredi quamvis ab Ecclesia toleretur.

eret pe XXXIV. Paulus Layman Lib. 4.
cum Ctra. 5. C. 6. n. 5. scribit: Qui religionem
ut imbsolute vorvit, is non tenetur, imò neq; licite
i exadhortest ingredi ordinem, cuius regularis disci-
egularis collapsa est, ejusq; Professi pleriq; male
non

vivunt, ut ne substantialia quidem vota obser-
vent. Ideoq; ingredienti perversio[n]is pericu-
lum insinuat, ut docent Cajetanus Major,
Navarrus, Valentia, Rodriquet, Sanchez
Leffius.

XXXV. Leander hæc trac. I. de ju-
quæst. 14. & 15. docet: An prædictus vo-
tens, ingrediens Religionem quoad substani-
alia collapsam, non solum non satisfaciat voto
verum etiam mortaliter peccet? Respondeo di-
cendum, quod non solum non satisfaceret vo-
to, sed quod denuo peccaret mortaliter, o[ri]g[ina]l
p[er]versionis periculum.

XXXVI. Salmanticenses trac. I.
cap. 2 pun. 1. n. 1. hæc inquiunt; Ceterum
pro comperto habemus, non satisfacere (voto
ingrediendæ Religionis) ingrediendo Reli-
gionem relaxatam, & quoad principales obli-
gationes collapsam, nisi forte spes subsit proxi-
me reformationis. Quia talis Religio non mu-
retur nomen Religionis, nec ad perfectionem
coducit, sed ad perditionem; nec in eam in-
grediendo pericula fugerentur, sed majora for-
tæ amplectentur. Eadem docent Passeri;

nus, Martinez de Prado, Lezaxa, Cassianus à S. Elia, Rotarius, Bonacina, & communiter omnes. Consule Disciplinam Apost. Monast. diss. 15. Cap. 13. & Defens. Decret. Concilij Trid. Diff. 2.

XXXVII. Religio schola Evangelicæ perfectionis est, in qua facilius ad opatum bravum pervenitur. Religiosi veluti rheda, & curru ducti ambulant ad pallium assequendum. Christiani in sæculo pedites iter agunt, undiq; scopulis & laqueis circumsepti. Si currus sit optimè ordinatus bene clausus & fortis felicissimè ambulant viri Religiosi. Contra si currus sit perturbatus, læsus semifractus, tunc infeliores sunt illi qui tali curru incedunt & in graviori periculo versantur, frangendi crura, brachia capita, quam Christiani qui pedites ambulant.

XXXVIII. QUÆST: V. Utrum habere redditus redundantes in communi pugnet cum voto paupertatis: RESP: S. Thomas 2. 2. quæst. 88. art. 7. respondet. quod habere superabundantes divitias in com-

muni, sive in rebus mobilibus, sive immobili-
bus, est impedimentum perfectionis, licet non
totaliter excludat eam; habere autem de re-
bus exterioribus in communi sive mobilibus
sive immobilibus, quantum sufficit ad simpli-
cem victimum, perfectionem Religionis non im-
pedit, si consideretur paupertas, per compara-
tionem ad communem finem Religionum, qui
est vacare divinis obsequijs.

XXXIX. Extrema diligentia, sum-
ma cavenda in hac materia sunt. Victimum
& vestitum præbere Superiores, ad nor-
mam propriæ Regulæ debent: caritas in
hac provisione elucere debet. Victor non
debet delicatus esse, sed diligenter & o-
portune paratus, ut decet regularem so-
brietatem. Vestitus quoq; promptè tra-
datur. Infirorum cura magna habenda
est. Aliud extremum divitiarum etiam in
communi possidendarum vitandum est.
Non ob paupertatem, sed ob divitias Re-
ligiones omnes naufragium passæ sunt.
Pauperes ne IESU Christi ejusq; Discipu-
li & comites dicendi essent, qui superba
ædi-

edificia, splendida palatia, qui ingentes
reditus possiderent? Si talia peragerent,
proculdubio Religionis relaxationem, &
& perversionem inducerent. Religio e-
nim Christi IESU & redundantes, divitiæ
contradictoriæ opponuntur.

CAPUT IX.

De voto Castitatis & Obedientia.

1. QUÆST. i Quid sit votum Castitatis
Religiosæ? RESP. Est abstinenia per-
petua ab omni actu venereo, tam interno quam
externo. Sacerdotes peccantes contra hoc
votum augent malitiam ob duplicom titu-
lum seu vinculum, quo Sacerdotes ob-
stringuntur, castitati servandæ. Hujus vo-
ti observantia à modestia oculorum à so-
litudine, à carnis mortificatione, ab otij
declinatione plurimum pendet. Quare
quælibet Religio & jejunia, & victus tem-
perantiam & alias virtutes plus & minus
præscribit in castitatis præsidium. Renun-
ciant divitijs ut animum ab affectu pecu-
niarum immunem conservent. Separantur

D;

à sæ-

à seculo ut ablata omni occasione facilis
us castitatem custodiant quam observare
& ipsi Christiani in medio laqueorum
mundi, & inter ipsa fæminarum præstigia,
aut virginalem, aut matrimoniale astrin-
guntur. Aspectus venereus & sola deli-
berata delectatio, luxuriosa æquè Christi-
anum ac Religiosum virum in infernum
detrudunt, sola circumstantiæ sacrilegæ
diversitate.

II. Virtus hæc veluti limpidissima
chrystillus in putrido & luculento corpo-
re defertur. Facillimè bitumen succendi-
tur, & luxuriæ ignis ardet, & sulphureæ
exhalationes castitatis candorem offuscan-
t, nisi assidua vigilantia custodiatur. Concu-
piscientia dira fera est, quæ semper rugit,
& revolutiones machinatur. Si initio he-
roico spiritu cohibeatur, & continua ca-
stodia frenetur, ejusmodi victoria facilis
nunquam tamen eidem fidendum, quis
versute, & ex infidiis suam orditur rebel-
lionem. Concionatores, & Confessarii
præsertim vigiles sint oportet. Ha quippe

ratione ministerii frequenter feminas aliquantur. A colloquiis spiritualibus initium ducitur; at nisi cautela summa adhibetur, omnia in carnem desinunt. Confessarii habent suas filias spirituales, quibus cum familiares sermones texunt, Halitus ille Virginalis, simulque feminineus, calida illa suspiria, & familiaritas paternitatis spiritualis cum filia spirituali fugienda sunt tanquam sibibus basilisci. Tractandæ feminæ sunt, non secus ac personæ lue irquinatæ spirituale alimentum porrigitur, & continuo separatio succedat, alioquin pestu luxuriæ sua beneficia immittit. Verum quia innumerj libri sunt qui fusius hoc argumentum tractant; idcirco ab ulteriori abstineo sermone.

III. QUEST: II. Quid ratione vobis obedientia præstare Regularis Obstringitur.
r. Votum obedientiae est oblatio propria voluntatis DEO facta, dum Regularis promittit obedire suis Superioribus in iis omnibus quæ hi juxta propriam regnam jubebunt. Quare Regularis obedire tene-

tur sub gravi culpa Superiorum præceptis. Quando Superior non præcipit, sed solum optat hortatur, etiamsi subditus non pareat, non propterea violat obedientiæ votum quia nullum transgreditur præceptum. Præcepta autem Superiorum de re gravi esse debent.

IV. Quatuor communiter conditio-
nes pro exacta obedientia Sancti Docto-
res requirunt. 1. ut sit prompta execu-
tio ejus quod præcipitur: 2. ut interior
voluntas accedat executioni externæ: 3.
ut subditus proprium judicium in re du-
bia aut controversa submittat judicio Su-
perioris. 4. cognita Superioris voluntate
non est expectandum præceptum, sed im-
plendum est quod Superior cupit. Hæ ta-
men conditiones ad majorem obedientiæ
perfectionem requiruntur. Secus adejus-
dem virtutis naturam. Ad hanc enim, &
ut peccatum, saltem grave evitetur, sat est
ut re ipsa subditus obediatur, & exequatur
impositum præceptum. Advertendum ta-
men, quod Superioris interdum præcepta

su.

suspendunt, ut scandalum evitent, quia prævident subditos minime paratos ad impletum præceptum. Et tum subditi qui hæc obsistendi Superiorum mandatis argumenta perhibent, sunt in malo statu, & peccare mortaliter valent spectata, rei præcipiendæ gravitate. In his enim circumstantiæ spectandæ sunt.

V. Superiores jure præcipere valent ea omnia quæ intra confinia regulæ & Constitutionum continentur vel ad regulæ & Religionis conservationem & decorum indirectè etiam conducunt. Queunt etiam Prælati ea vetare quæ tendunt ad proprias leges violandas, & alia jubere quæ graviter expediunt Regulæ & Constitutionum observationi. Quare præcipere Superior potest necessitate urgente ut subditi inserviant Religiosis & Sacramenta ministrent Christianis peste infectis, præsertim si Religiosi ordinem profiteantur ad proximorum salutem procurandam institutum.

VI. Ja re dubia parere subditus ter
Dg

metur Superiori præcipienti, quia posses-
sio stat pro Superiore, ut communiter
Theologi docent. Probabilistæ non nulli
contendunt, subditos habentes pro se o-
pinionem etiam minus probabilem liberos
esse ab obedientia præstanda, quamvis op-
posita sententia probabilior stet pro Su-
periore. Et ita docere coguntar, admissis
systemate probabilistico. Hinc verò lucu-
lentius apparet, quam sit auctoritati Su-
periorum, & optimo regimini seditionis
atque perniciosus probabilismus.

VII. Superiores nihil supra aut con-
tra Regulam præcipere valent subditus
tamen non est legitimus iudex, num id-
quod Prælatus jubet, sit contra, vel supra
Regulam, nisi res evidens sit. Capitula
Generalia præscribere, & condere statu-
ta valent nova, quæ Ordinis & decorum
augeant, & observantiam Regularem va-
lidius firment. Ad præfecturas quoque
acceptandas & obeundas prælati urgere
subditos suis præceptis jure queunti secus
ad acceptandas dignitates, vel Episcopa-
tum extra Ordinem.

VIII. Graviter Regulares peccant, vel dum præceptum Superioris implere recusant, vel dum ejusdem vocem contemnunt, vel dum reformanti, abusus, & corruptelas, invectas contra Regulam & Constitutiones resistunt. Peccant venialiter si ea executioni demandare negligant quæ sciunt à Superiore præscibi, quamvis non sub præcepto, ut dum inculcant obseruantiam Regulæ & Constitutionum. Et licet Constitutiones natura sua ad culpam non obligent, re ipsa tamen numquam deliberate violantur sine aliqua veniali culpa, qui vero ex habitu & consuetudine eas indiscriminatum transgreduntur, ad tacitum contemptum se se disponunt, & contra præceptum aspirandi ad perfectionem peccant.

IX. Superiores qui Regulæ & Constitutionum transgressiones dissimulant, qui easdem pro viribus corrigere & impedire negligunt, aut ex torpore & negligentia, aut ex quadam conniventia, peccant mortaliter, ut Diana Salmanticensis

ses La-Croix, & alii communiter docent. Superiores enim vi muneric sui destinati sunt ad legum custodiam, & universæ disciplinæ observantiam promovendam. Ilerorum negligentia in impediendis transgressionibus gravissimum detrimentum infert Religioni, Hinc enim gravissima proficiscuntur absurdæ, & hinc omnes Sacrorum Ordinum relaxationes manarunt. His quippe transgressionibus succedunt violationes votorum, scandala, castitatis jactura, & proprietatis pestes.

CAPUT X.

De Tyrocinio, seu Novitiatu Regularium.

Antequam Religionem juvenes solemnni ritu profiteantur, debent per annum integrum habitum Religionis, & palam gestare. Libera autem, & non coacta sit hæc Religiosæ vestis susceptione necessarium est. Qui puellas cogunt ad hanc susceptionem, mortaliter peccant, & excommunicationem in currunt, ut Tridentinum Sess. 25. c. 18. statuit. Qui autem

juvenes mares cogunt minis, peccant mortaliter, sed excommunicationem non incurunt. Juvenes qui coacti tyrociniūm peregissent, si libere professionem emitterent, validus fuisset Novitiatus. Annus hujus Novitiatus integer esse debet, ut Tridentinum Sess. 25. c. 15. præscribit, continuus & non interruptus. Qui per diem habitum dimitteret, & à claustrō exiret animo non redeundi, licet post diem rediret, Novitiatus interruptus dicetur; secus si per aliquot horas dimitteret, absque exitu ē cœnobio.

II. Inepti jure naturæ ad Novitiatum ut sunt decrepiti, insani, habituāliter infirmi gravi morbo, servi vere tales repugnante domino Conjuges post consummatum matrimonium sine mutuo consensu professi in altero ordine sine licentia Superiorum. Jure positivo recipi nequeunt Episcopi Archiepiscopi, qui sine expressa summi Pontificis facilitate profiteri Religionem regularem nequeunt Ceteri autem Ecclesiastici liberi omnino sunt e-

niam curæ animarum addicti ad profanandam vitam Regularem.

III. Pontifices summi plures edidierunt Constitutiones, quibus determinant conditiones recipiendorum ad ordines regulares Sixtus V. sua Constitutione *Cum de omnibus* prohibuit ne viri prætergressi annum sextum decimum reciperentur, nisi præmissa severa perquisitione de patria de acta vita de parentum qualitate. Quod si repertum fuerit istos latrocinia, aut alia similia scelera patrâsse vel suspectos de iisdem esse, aut condemnatos vel prudenter timeatur condemnandos fore; si ære alieno, gravatos supra vires, vel ratiocinis reddendis adstrictos unde lites & molestiae, prævideantur; prohibet ne recipiantur, & professionem ab ipsis emissam nullam declarat Prælatos vero qui scient ejusmodi receperint, privat voce activa & passiva, gradibus & præfectoris inhabilesque constituit ad futuras dignitates, & gradus. Hanc Constitutionem altera Constitutione cuius initium est, Ad

Romanum Pontificem temperavit non quantum ad poenas, sed quantum ad crimina. Gregorius XIV. alia Constitutione dicta *Circum spela* partim sustulit, partim auxit Sixtinæ Constitutionis moderationes. Et tandem Clemens VIII. Professionem reduxit ad terminos Juris communis: ita ut nisi aliquod Juris communis impedimentum obstet Professio valida, sit. Poenas vero intransgressores in suo reliquit vigore. Nunc tamen vi Constitutionis ejusdem Clementis VIII. Regulares recipere juvenes possunt etiam prætergressos annum decimum nonum exacto tamen juramento, quod neque criminosi, neque ratiociniis reddendis obnoxii, neque rei furti, aut homicidii vel aliis impedimentis in Sixtina Constitutione recensitis ligati sint. Prælati qui ejusmodi scrutinium negligunt graviter delinquunt & subjecti sunt Sixtinæ Bullæ poenis. Valida tamen Professio erit dummodo nihil contra jus commune repugnet.

IV. Novitii omnium privilegiorum
Re-

Regularium participes sunt, cum sint sub potestate Religionis, & ejusdem onera sustineant. Quare sunt à jurisdictione Episcopi immunes, & privilegio fori gaudent. Possunt Superiores Religionis cum iisdem dispensare super præceptis Ecclesiæ, & eorum votis, quæ tamen implere, si habitum Religionis dimittunt, debent. Contra si absolvantur à censuris, irregularitate, vel reservatione si exeant à Religione, quam bona fide amplexi fuerant, absoluti manent.

V. Si in anno Tyrocinii novitius decedat heres ab intestato ejusdē bonis succedit Donationes liberæ inter vivos, contractus, lucrosi, renuntiationes bonorum temporalium, officiorum, dignitatum, nisi siant cum licentia Episcopi aut ejus vicarii duabus mensibus ante professionem irritæ sunt & nullæ, ut determinavit Tridentinum Bona quæ sibi obventura sperat Novitus, renuntiare potest Religioni quam Professurus est, etiam viente Patre secus alteri determinatae Per-

sonæ. Bonis quæ jure sanguinis obveniunt Novitio, nisi ipse disponat juxta præscriptum Tridentini ante Professionem, uccedit ordo quem Professus est, si capax sit bonorum immobilium.

CAPUT XI.

De Professione Regularium.

2. PROFESSIO MONASTICA, ut alias indicavi, contractus est quo homo semetipsum DEO offert in aliqua approbata Religione solemni ritu tria vota paupertatis, castitatis, & obedientiæ emittingendo coram Prælato consentiente, quique DEI nomine hæc vota acceptat. DUPLEX est: Expressa, quæ verbis fit coram Superiore, & tacita, quæ signis & actionibus à jure statutis peragitur; ut si novitus expleto anno sexto decimo & integro anno sui tyrocinii, exerceat actiones Professorum, eorumque habitum deferat, professionem tacitam emitit, si tamen Prælatus consentiat, & ipse Novitus libere, non coactus seu nullo timore extrinsecus graviter ins-

cusso adductus id agat, advertatque ejusmodi actionibus se tacitam Professionem incurtere, & habeat animum profitendi verum quamquam tacita hæc professio nuncupetur, re ipsa expressa suo modo est.

II. Ut Professio Regularium legitima sit, requiritur legitima potestas, quæ residet, vel in Romano Pontifice, vel in Superiore Religionis, juxta Regulas peculiares cuiuscumq; Ordinis. In hoc aut illo Ordine non sufficit solus Superior, sed necessarius est consensus majoris partis Patrum à consiliis vel Capituli. Si major pars istorum Patrum reluctetur, nec Superior illius Conventus, in quo est Novitiatus, nec Superiores maiores possunt admittere Novitium ad professionem reluctante vero Superiore immediato & accedente consensu majoris partis Patrum à Consiliis valent Superiores maiores ut Provincialis vel Generalis admittere Novitium ad Professionem. Ceterum quilibet ordo suas consulere leges debet.

III. Plura sunt impedimenta quæ

nul.

nullam reddere professionem queant. I.
Aetas ante annum decimum sextum com-
pletum. 2. Si annus Novitiatus non sit in-
teger, vel ut inter ruptus. 3. Defectus li-
bertatis, ut si servus repugnante domino
profiteatur. 4. Matrimonium consumma-
tum altero conjuge repugnante. 5. Epi-
scopatus non accedente Pontificis licen-
tia. 6. Nimia senectus, aut morbus gra-
vis, non curabilis, impediens Regulæ ob-
servantiam. 7. diversitas sexus, ut si vir
in Monasterio mulierem aut contra profi-
teatur. 8. Metus gravis injuste incussus.
9. Error circa essentiam status Religiosi.
10. Si desit animus se obligandi vel si si-
eto animo acceptetur à Superiore nulla
est in foro conscientiæ. II. Tandem si
contingat aliquis defectus qui vi Consti-
tutionum talis Ordinis professionem it-
titet.

IV. Ut professio nulla ex parte u-
triusq; & Superioris acceptantis & Pro-
fessi redintegretur, requiritur utriusque
partis reciprocus consensus. Si vero nul-
la

la sit ex defectu consensus solius professi, tunc sat est ut ipse solus renovet consensum, ratamque habeat professionem emissam. Aliqua vero professio nulla esse potest ex impedimento quod non admittat remedium, quo sanari possit.

V. 1. Effectus professionis regularis est remissio omnium peccatorum etiam quantum ad poenam ut 22. q. 189. a. 3. ad 3. docet. D. Thomas cui subscribunt cæteri Theologi 2. Est ablacio irregularitatis ex defectu natalium pro sacrificiis Ordinibus suscipiendis, secus pro p̄fectura exercenda. 3. aufert ingratitudinem filii adversus patrem qui exhaereditare amplius filium nequit. 4. Dirimit matrimonium ratum & non consummatum. 5. Commutat vota in saeculo facta in professione: quæ commutatio per ipsam professionem fit Quare etiamsi Professus frequenter negligenter observantiam jejuniorum, aliarumque austeritatum Ordinis, nihilominus commutatio facta consisteret. 6. Est provisio victus & vestitus quam re-

ligio ministrare tenetur professis tum sa-
nis, tum infirmis, eosq; educare in studi-
is juxta propriam vocationem astringitur.

VI. Tridentinum *Ses. 25 cap. 19.*
facultatem Regularibus impertit recla-
mandi contra Professionem emissam tri-
bus adjectis conditionibus 1. reclamatio
& causa rescindendæ professionis ante e-
lapsum à die emissæ professionis quin-
quennium instituatur: 2. Ne reclamans
habitum Religionis deponat pendente
causa reclamationis. 3. ut causa rescinden-
dæ professionis instituatur coram proprio
Superiore, & ordinario, qui sententiam
ferre debet.

VII. Ut quis reclamare licite queat
contra propriam professionem fundamen-
ta habere certa debet, & evidentia. Qui
enim dubius est, reclamare licite nequit,
quia in dubio præsumptio stat pro pro-
fessione Plura dicenda de hac reclamatio-
ne essent. Verum cum hæc omnia ad fo-
rum externum pertineant, & fuse tracten-
tur à non paucis Canonistis, idcirco illa
prætereo.

VIII. Illud dumtaxat hinc colligant
velim magistri novitiorum, quanta dili-
gentia & vigilancia candidatorum vocati-
onem expendere graviter astringantur.
Causa princeps relaxatæ disciplinæ regu-
laris est defectus vocationis divinæ ad il-
lum sublimem statum profitendum. Siqui-
dem plurimi non DEO vocante ut adver-
tit Cardinalis Bellarminus *lib. 2. de gem.*
col. sed alijs rationibus quas explicare non
vacat, adducti huic sacræ militiae nomina-
dant vœ novitiorum præfectis, si oculos
claudunt super hoc gravissimo negotio,
ne propria claustra vacua remaneant &
nos vocatos ad professionem admittunt.
Deficiente hoc primo Cœlestis vocatio-
nis fundamento, quid mirum, quin univer-
sum ædificium corruat. Castitas donum
speciale Spiritus Sancti est ut intaminata
servetur, gratia, non ab humana infirmi-
tate vires expectans sed ut à DEO ma-
nans, victrix atque triumphans requiritur
vocatione divina sublata deest gratia illa
singularissima, & hac gratia destituti casti-

tatem sacrilege polluunt, deturpant, corruptunt. En expositam omnium malorum radicem. Cautissimi ergo sint Novitiorum Magistri in expendenda eorumdem vocatione.

IX. Non me latet quod opponere isti solent, nempe mundum in maligno positum esse, & Christianorum mores laxatos atque indies corruptiores fieri. Ex hac silva transferendas in regularium Viridaria plantas esse, quæ in grandine, antequam olivæ inserantur, percussæ sint, vix fieri potest ut fructus pariant, vita æterna dignos. Verum habet. Quam oborem secernendæ sunt plantæ tunc ab infelis At sane reponis, paucæ sunt & multiplicata claustra impleri debent. Nimiris longus essem, si pro dignitate hanc discutere objectionem vellem. Vide disciplinam Apostolica: Monasticam P. 2. dis. I. c. 15. ubi fuse hanc difficultatem discussam invenies. Regularium propagatio, & perennis successio non carnalis sed spiritualis est à DEO descendens. Tu solos

vocatos ad professionem excipe, & cu. discip
lam DEO relinque ut operarios mittat. scire j
Si secus feceris, & te & alios periculo æ. verò c
terno pereundi expones. tiam s
re neg
qui sci
contem

CAPUT XII.

De Litterarum studio, in quod incumbere Re-
gulares astringuntur: & que Methodus
in scientiis addiscendis servanda.

I. **C**hristiani omnes plus & minus, pro-
 tarem
 ut eorum conditio fert, Scripturis scriptu
 Sanctis dare operam debent. In hoc au-tis? N
 tem studium Regulares, & omnes viri re-
 bus sacris addicti incumbere gravissime linque
 astringuntur Joannes Trithemius incliti manda
 Sanctissimi Patriarchæ Benedicti Ordinis pli
 præclarorum virorum, non modo anti-viam
 qua, sed etiā ætate nostra, DEO auspi-quod
 ce fæcundissimi Abbas homil. 4. de studio vobis
 sacrarum scripturarum, hoc pacto Mona-intellig
 chos suos alloquitur. Videmus inter vos est ign
 quosdam scripturarum ignoratos instabiles men-
 te, discolos. & vagos, quibus eo magis impa-
 tamus ignorantiam, que minus inclinantur ad
 di-

cu. disciplinam. Turpe quidem est nescire quod
scire juberis, turpius non discere, turpissimum
lo & verò contemnere. Et sunt inter vos qui scien-
tiam salutarem nesciunt, sunt etiam qui disce-
re negligunt quid si addam esse G ad alios
qui scientiam Divinarum scripturarum penitus
e Re. contemnunt.

Et paulo ante hæc habet. O stulto
G perditissimi Latrones, qui scientiam salu-
pro-tarem contemnitis, G ignorantiam Divinarum
turis scripturarum potius quam intelligentiam ama-
c au-tis? Numquid affectati ignorantia pauporibus
ri re-vos plagis reddet obnoxios? Aut propterea de-
ssimel inquentes, eritis coram DEO innoxii quia
ncliti mandatorum DEI voluntarie estis ignari? Du-
dini spaci pœna cruciandi eritis: altera, quod scire
anti-viam mandatorum DEI contemnitis; altera
uspi-quod sermones DEI non custodistis -- De
studio vobis etiam, o stultissimi tenebriores. illud
ona. intelligitur S Hieronymi, quoniam ibi non
r vos est ignorantia jam excusabilis, ubi scitur quid
men-it illud quod ignoratur magis autem cavendum
mpa. vobis ne cum illis tandem computemini qui
ur ad
di-

dixerunt DEO: Recede à nobis viam sibi, gentiarum tuarum nolumus.

II. Neque illi solummodo culpantur, cari sunt qui crassa, & supina ignorantia eorum, inrum quæ proprium statum spectant, infelicitate laborant qui in sapore quodam fūllestissimo quam libentissime obdormiunt, qui nec brachium, nec pedem movere volunt ut necessariam consequantur se, certiam; verum illi insuper qui tempus trahunt in addiscendis artibus, scientiis discipulis, quæ à scientia Sanctorum abdicant, quam potissimum comparare debent Claustrales Rescribere placet verbis Ludovici Granatensis par. 2. de voto c. 4. quam § 7. Quam multi hodie, studiosi sunt, in mundo, & inter hos quam pauci quæ pli discipuli sint IESU Christi. Et quoniam acerbissimum est illi ipsi qui, recente mundo relido, amplectuntur Religionem, ha nem vel eo tempore quo debent expositiare veterem hominem, & huic se disciplinæ impendere, cum vix DEUM

am si,, gustare cæperunt, atque ad eum cognoscendum ægre aperuere oculos collo-
ulpan,, cantur, inter gentiles Philosophos, &
ntia eo,, in scientiis mundanis exercentur, ubi in
nt, inf,, longum tempus nec verbum de IESU
dam si,, Christo auditur. Quod studium etsi pro-
rmiun,, pter mutationem temporum & hæreti-
move,, corum perversitatem aliquo modo ne-
tur si,, cessarium sit tamen tamquam magnam
pus te,, plagam sæculi nostri & vitæ debemus
is disc,, accipere irtote quod nobis tantum
abdi,, temporis eripiat, & separet, atque exu-
ire de,, les faciat tot annos, à salvatoris nostri
verbis confortio. Præsertim si attendamus
o c. 4,, quod dicit Gregorius Nazianzenus, o-
osi sun,, mnes illas Gentilium scientias & disci-
ucci qu,, plinas tamquam plagas Ægypti ob pec-
cato,, cata nostra in Ecclesiam intrasse: Sed
ecente,, cum misera temporum conditio nos ad
elgio,, hanc necessitatem adegerit, congruum
expo,, illi tempus dandum, & assignandum fo-
se d,, ret, atque ita providendum ut ædisici-
DEUM,, um & fundamentum virtutis sic consti-
gu-

„ tutum esset, in animis eorum qui inci-
„ piunt, ut sustinendo isti oneri suffice-
„ rent. Sed quamdiu opus tenerum est &
„ infans Christianus adhuc gustat lac IE.
„ SU Christi, stultitia est ipsum illum ab-
„ luctare, & gustum illi dare librorum
„ gentilium ubi non videt nisi argumenta,
„ subtilia. & plena fallaciis sophismata.
„ Quid verò si bene expendamus, hoc est
„ aliud quam imitari crudelitatem Phara-
„ onis ruinam populi DEI Machinantis,
„ cum imperaret, ut quam primum Hæ-
„ bræus masculus nasceretur, suffocaretur
„ flumine & aquis Ægypti? omnia (inquit
„ sapiens) tempus habent --- tempus am-
„ plexandi & tempus longe fieri ab amplexi-
„ bus. Tempus illud amplexando DEO
„ debebatur, comparandoque amori tam
„ forti, ut nullis aquis mundi suffocari
„ posset, & extingvi: quo facto paulu-
„ lum licebit ab ipsius amplexibus rece-
„ dere ut necessitatibus proximi intenda-
„ tur. Quid alias volebat DEUS notter in
le-

„ lege, cum prohiberet ne sponsi, cogere-
„ rentur arma sumere & ad bellum pro-
„ cedere? Quid significabat, cum vetaret
„ operari in primogenito bovis, & non
„ tondere primogenita ovium, nisi genus
„ istud primo genitorum, de quo hic lo-
„ quimur liberum esse à vinculis & one-
„ ribus istis, ut totum se sibi & profectui
„ suo impendat. Contra has leges omnes
„ faciunt qui tempus istud suffurantur,
„ studio veræ sapientiæ, & veræ scientiæ,
„ ut totos se humanis scientiis addicant,
„ si Hactenus sapientissimus Ludovicus
Granatensis, cui nihil præter antiquita-
tem deest. unde Pater Ecclesiæ nomine-
tur.

III. Si temporum ratio coegit majo-
res nostros quando Arabum Philosophia
vigebat, doctrinæ Aristotelicæ operam da-
re, ut ethnicos & superstitiones viros
propriis illorum armis confoderent, op-
posita temporum vicissitudo urgere nos
debet ut in ea incumbamus studia quæ

revincendis convertendisque hæreticis & malis Catholicis opportuna sunt Nullum in præsens apud sive ethnicos, sive Turcas, qui nos circumstant Philosophiæ studium: supina illi laborant ignorantia, parvoquæ opus est quo illa revincantur. Hæretici nunc sunt qui dogmata Catholica oppugnant, & Catholici non nulli scriptores, qui evangelicæ moralis regulas pia intentione & fabro opinandi modo præventi, vel nolentes humanis appetitionibus nimis accommodant. In illud ergo ut majores nostros imitemur, studium incumbendum, quod convellendis istorum erroribus opportunum est Credendis, & agendis constat. Theologia Christiana, & hæc duo consistere separata diu nequeunt.

IV. Methodus itaque, quam novitiis expleto Tyrocinii anno tenendam suggero (abiit enim ut tribunal erigere velim, illam ut Censor proponendo) hæc est. Paucis mensibus justi ratiocinij, regu-

gulas addiscant ex Dialectica decerpitas,
missis tricis & cavillationibus Sophisticis
quæ mentem corrumpunt, aut saltem pef-
simè disponunt. Regulæ istæ viam doce-
ant inquirendæ veritatis, cum sola & u-
nica veritas sit via, quæ ad Cœlum ducit.
Elapsis quatuor aut quinque mensibus, in
hoc studio triennium illud quod insumere
in Philosophiæ studio solent, impendant
in lectione Scripturæ Sanctæ, & historiæ
Ecclesiastice. Optandum summopere ef-
set, ut aliquis cursum historiæ Ecclesias-
ticæ scholæ usui accommodatum, & in
oportunos tractatus vel dissertationes di-
gestum ederet. Præmittenda esset brevis
Synopsis historiæ veteris testamenti, pau-
cis sed oportunis disputationibus illustra-
ta, Post perstringendum esse specimen
historiæ Christianæ, ut scirent juvenes,
qui fuerint heroes nostri, quæ illorum a-
cta & gesta. Aliquæ dissertationes bre-
vissimæ, in quodlibet sæculum adjici pos-
sent; Opus istud simile esse deberet cur-

sui Philosophico, cui substituendum in
novo, & triennio sicut ille, explendum.
His præsidijs instruendi juvenes, ad sacram
Christianam Theologiam credendis &
gendas constantem addiscendam accedant.
Tum veri Theologi è Scholis discede-
rent, hæc in transcursu judicavi sapien-
tum judicio subjiciens.


V. Plurima alia de statu Religioso
dicenda forent; sed compendij confinia
transilirem, si ultra pergerem. Hæc itaq;
dicta sufficient, & in majorem DEI glo-
riam cedant, Lectorumq; profectum.


AMEN.


Finis.

dum in
lendum
d sacram
dis & a
ccedam
discede
i sapien


eligioso
confinia
ec itaq;
EI glo.
ctum.







Biblioteka Jagiellońska



stdr0026455

